



重修三原志卷之五

崑陵後學朱昱忝易纂輯

國子祭酒晉陵王儉廷貴校正

人物

二南之詩為國風始三原乃周召名區陝右大地流
風胥漸尚矣載籍所紀魁壘竒傑之士代不乏人我
朝以德業詞章稱者斯焉尤盛若名節之掀揭德義
之幽深有摩踵接於仕途者六書特書不一書之俾
聞者有所興起

顯達

北魏

毛遐字鴻遠北地二原人也正光中蕭寶夤爲大都督討關中諸賊咸陽太守李遠時爲都督以遐爲都督府長史寶夤敗還長安三輔騷擾遐因辭遂還北地與弟鴻賓聚鄉曲豪傑遂東西略地氏羌多赴之共推鴻賓爲盟主既而賊帥宿勤買奴自號京兆王於北地遐詐降之而與鴻賓攻其壁賊自相斫射縱兵追擊七柵皆平後寶夤構逆謀遐知之乃寄書與鴻賓索馬迎接復於馬柵柵建旗鼓以拒寶夤攻其將盧祖遷禽之寶夤以是日拜

南郊竊號禮未畢而告敗寶夤懼口乾色變不遑部伍人皆亂還詔授遐南幽州刺史進爵爲伯遐又攻破其村候終德寶夤知內外勢異輕將十數騎走巴中冬萬候醜奴陷秦州詔以避兼尚書二州行臺孝武帝入關敕周文帝置二尚書分掌機事遐與周惠達始爲之稍遷驃騎大將軍儀同三司卒遐少任俠有智謀世爲豪右貲產巨億士流貧乏者多被賑贖故中書郎擅書尚書郎公孫範等常依託之至於自供衣食麤弊而已

鴻賓大鼻眼多鬚髮黑而且肥狀貌頗異氏羌見者

皆畏之加膽略騎射倣儻不拘小節昆季之中尤
輕財好施遐雖云早立而名出其下及賊起鄉里
推為盟主常與遐一守一戰後拜岐州刺史散騎
常侍開國縣侯遐笑謂鴻賓曰擊賊之功吾不居
汝後至於受賞汝在吾前當以德濟物不及汝故
明帝以鴻賓兄弟所定處多乃改北地郡為北雍
州鴻賓為刺史詔曰此以晝錦榮卿也改三原縣
為建忠郡以旌旗兄弟後尔朱天光自關中還洛
夷夏心所忌者皆將自隨鴻賓亦領鄉中壯武二
千人以從洛中素聞其名衣冠貧冗者競與之交

尋拜西兗州刺史轉南青州刺史及孝武帝與齊
神武有隙令鴻賓鎮潼關為西道之寄車駕西幸
漿糗乏絕侍官三二日間唯飲澗水鴻賓奉獻酒
食迎於稠桑文武從者始解飢渴武帝把其手曰
寒松勁草所望於卿也事平之日寧忘主人仍留
守潼關後神武來寇見禽至并州憂恚卒

唐

劉弘基雍州池陽人少以蔭補隋右勳侍從征後期
亡命太原從高祖起兵為統軍敗隋將宋老生斬
之拜右光祿大夫高祖師濟河秦王帥弘基等請

軍徇渭北命殷開山副之西略扶風有衆六萬南渡渭水屯長安故城隋將魏文昇出戰弘基逆擊擒甲士千餘馬數百時諸軍尚未至弘基最先勝高祖悅賜馬二千匹功第一授右驍衛大將軍討薛舉戰於淺水原時劉文静輕敵諸軍皆陷弘基力戰矢盡亦爲賊拘帝以臨難不屈優護其家仁果平始克歸官之如初從伐劉武周授左一總管秦王擊宋金剛屯栢壁以勁卒二千由隰州趨西河躡賊歸路時賊銳甚弘基堅壁不戰及金剛遁走追擊大破之以功封任國公從擊劉黑闥還除

并鉞將軍會突厥寇邊督步騎萬人備之自邠北東拒子午嶺西抵臨涇築障遮虜貞觀初李孝常謀反坐與交除名歲餘起爲易州刺史復封爵召授衛尉卿改封夔國公以老乞歸爲輔國大將軍太宗征遼召爲前軍大總管戰駐驂山有功累加封戶至千一百卒贈開府儀同三司并州都督陪葬昭陵謚曰襄子仁實襲封

李靖字藥師三原人少負志氣有文武才其舅韓擒虎奇之曰可與言將帥之畧者此子也唐高祖克長安靖時爲馬邑郡丞欲斬之呼曰公興義兵平

暴亂顧以私怨殺壯士乎秦王爲之固請得釋引
爲三衛蕭銑據江陵詔靖安輯會蠻賊鄧世洛亂
廬江王瑗討不勝靖爲擊郤之進至峽州阻銑兵
不得前帝謂逗留欲斬之不果開州蠻冉肇則寇
夔州靖同趙郡王孝恭平之帝謂左右曰使功不
如使過靖果然因手勅勞之曰旣往不答向事吾
忘之久矣孝恭上靖攻取銑十策詔拜靖行軍總
管伐銑降之進上柱國賜爵永康縣公安撫嶺南
討輔公柘斬之拜兵部尚書兼揚州大都督府長
史帝深羨靖功曰靖蕭輔之膏肓也古韓白衛霍

何以加之太宗即位命爲定襄道行軍總管統軍
討突厥襲破之進封代國公帝曰李陵以敗卒五
千絕漠漠然卒降匈奴其功尚得書符帛令靖以
三千騎蹀血虜廷遂平定襄古亦有倫足雪吾渭
水之耻矣御史大夫蕭瑀劾靖御軍無法帝讓之
曰隋史萬歲破達頭可汗不賞而誅朕則不然錄
公之功赦公之罪乃加靖光祿大夫賜絹千疋旣
而謂曰前者人譏公今朕已悟公勿介意復賜絹
二千疋遷右僕射貞觀八年授黜陟大使與蕭瑀
等十三人分行天下察長吏賢不肖吊民疾苦滯

老賊窮會足疾乞骸骨帝遣中書侍郎岑文本論
吉曰自古富貴知止者蓋少雖疾頓憊猶力于進
公今引大體朕甚嘉之欲成公美爲一代措摹茲
不相違乃拜特進就第俟疾小瘳每三兩日至門
下中書平章政事加賜靈壽杖頃之吐谷渾寇寇
州起爲大總管帥諸軍討破之軍還杜門謝客改
衛國公二十三年卒帝幸其第泣涕久之贈司徒
并州都督謚景武給班劍羽葆鼓吹陪葬昭陵子
德謩嗣官至將作少匠坐太子承乾故先流嶺南
後徙吳郡

端字樂王靖兄以靖功襲承安公梓州刺史

客師靖弟右武衛將軍累戰功封丹陽郡公致仕居

昆明池南卒年九十贈幽州都督

令問靖孫玄宗爲臨淄王時與雅舊及即位以協贊
功遷殿中少監預誅竇懷貞封宋國公實封五百
戶遷散騎常侍知尚食事恩待甚渥後坐其子與
回紇部酋承宗連婚貶撫州別駕卒

彥芳靖五代孫大和中爲鳳翔司錄參軍家故藏高

祖太宗賜靖詔數函上之一曰兵事節度皆付公

吾不從中制也一日有晝夜視公疾大若姬遺來

吾欲熟知公起居狀皆太宗手墨官大略如此文
宗愛之不廢手其舊物有佩筆以木爲管玳刻金
其上別爲環以限其間筆尚可用也靖破蕭銑時
所賜于闐玉帶十三胯七方六副胯各附環以金
固之所以佩物者又有火鑑大觴篋囊等物常佩
于帶者天子悉留禁中又敕模詔本還賜彥芳并
京帛多服攢德興嘗讀太宗手詔至流涕曰君臣
之際乃爾邪

韓

瑗字伯玉二原人父仲良武德初與定律令官至
刑部尚書秦州都督府長史潁川縣公瑗少負氣

節達吏事貞觀中以兵部侍郎襲爵後遷黃門侍
郎俄同中書門下三品監脩國史進侍中兼太子
賓客王后之廢瑗泣涕極諫又上疏曰姐已傾廢
褒姒滅周臣讀至此輟卷太息不意今日親見此
禍陛下不用臣言宗廟其不血食矣帝大怒命引
出遂良之貶瑗上疏爲訟寬大略以遂良體國忘
家實社稷之舊臣陛下之良佐無罪斥去非國之
福帝皆不納瑗憂憤自表歸田里不報顯慶二年
許敬宗李義府誣奏瑗與褚遂良潛謀不軌於是
坐貶振州刺史踰年卒年五十四長孫無忌之死

連及瑗遣使殺之既至已死發棺驗視仍追削官爵籍其家神龍初武后遺詔復官爵自瑗與遂良相繼死內外以言爲諱後二十一年帝造奉天宮御史李善感上疏極口時人謂爲鳳鳴朝陽

李朝隱字光國一原人以明法中第調臨汾尉擢至大理丞遷侍御史吏部員外郎時政出權幸不關兩省而內授官但斜封其狀付中書即宣所司朝隱執罷千四百員遷長安令宦官閭興貴有所干請曳去之睿宗嘉嘆成安公主奪民園不酬直朝隱取主奴杖之由是權豪欽伏又遷吏部侍郎銓

叙明審後以事降同州刺史復入爲大理卿武彊令裴景仙丐贓五千匹亡命帝怒詔殺之朝隱曰景仙其先最有功而景仙獨承嫡於法當請又丐乞贓無死比藉當死坐猶將宥之使私廟之祀無餒也帝不許固請曰生殺之柄人主專之條別輕重有司當守且贓惟枉法抵死今丐贓即斬後有枉法抑又何加詔從之決杖一百流嶺南朝隱更授岐州刺史還爲大理卿封金城伯代崔隱甫爲御史大夫卒贈吏部尚書官給車棨北還送

路嗣恭字懿範三原人始名劍客以世蔭為鄴尉庶
豫黜陟河朔表為蕭關令連徙神烏姑臧二縣考
績為天下最玄宗以為可嗣漢魯恭因賜名云轉
渭南令上社化東陽二驛郭子儀既復靈武請以
嗣恭鎮之於是以為朔方節度使披荆棘立軍府
威令大行未泰三年檢校刑部尚書知省事出為
江西觀察使以善理財賦稱吐蕃圍川嗣恭擊卻
之循州刺史哥舒晃叛詔嗣恭兼嶺南節度使封
冀國公討晃斬于廣州還為檢校兵部尚書復知
省事嗣恭起州縣吏以課治進至顯官及晃事誅

戮舶商沒其財數百萬私有之代宗惡焉故賞不
酬功德宗立陰賂宰相楊炎錄前効更拜兵部
尚書東都留守俄加懷鄭汝陝河陽三城節度東
都畿觀察使卒年七十一贈左僕射子三應恕
應嗣恭長子字從衆以蔭為著作郎貞元初出為虔
州刺史詔嗣父封鑿贛石梗嶮以通舟道德宗嘗
與李泌曰誰於知有恩者朕能報之泌言應遂加
應檢校屯田部中服金紫累遷宣歙池觀察使討
襄陽郡王李錡反應發鄉兵救湖常二州錡不能
援元和六年以疾授左散騎常侍卒謚白靖

恕嗣恭次子字體仁從嗣恭討哥舒晃有功授檢校工部員外郎後為懷州刺史年纔三十累遷廊坊宣歙觀察使坐事貶吉州刺史以右散騎常侍致仕卒贈洪州都督

後唐

任圜三原人明敏善談辯見者愛其容止李嗣昭嘗度昭義辟圜觀察又使梁兵圍潞州嗣昭危甚就圜問去就計圜勸嗣昭堅守以待不可有二心已而莊宗破梁聞圜為嗣昭畫計甚嘉之由是益知名嗣昭從莊宗敗梁兵於胡柳圜頗有功莊宗勞

之曰儒士亦破體邪仁者之勇何其壯也嗣昭討張文禮戰歿圜代將其軍卒以信義降之拜工部尚書兼真定尹北京副留守知留守事為政有惠愛於民郭崇韜兼領成德軍節度使時改圜行軍司馬尋罷之後崇韜與魏王繼岌伐蜀辟圜參魏王軍事蜀滅表圜黔南節度使辭不就繼岌殺崇韜以圜代領其軍而旋康延孝反圜將三千人會董璋孟知祥等兵擊敗延孝於漢州拜圜同中書門下平章事兼判三司是時明宗新誅孔謙圜選辟才俊抑絕僥倖公私給足天下便之及韋說豆

盧革罷相帝集廷臣推舉安重誨鄭珏孔循舉崔
協園舉李琪卒相協與馮道園嘗以使臣給券戶
部故與重誨爭辯於帝前不能屈益憤沮於是求
罷為太子少保致仕退居磁州朱守殷反重誨誣
園與謀遣人矯制殺之園受命怡然聚族酣飲而
死後愍帝即位事白贈園太傅

元

楊子江二原龍橋鎮人元世祖取襄陽與有功馬官
到便宜都元帥護國進義武莊公長子得盛宣授
于資臣行元帥文子得榮宣授職手軍匠元

舉行之拜河南行省平章政事皇慶二年卒年六
十七贈光祿大夫中書平章政事任國追封冀國
公謚文定其所著述有雲南實錄五卷註唐詩鼓
吹集一十卷行于世子佑山官補官仁宗時拜
殿中侍御史以廉直著名遷陝西行省叅知政事
拜陝西行御史臺侍御史天挺曠年遷交城縣其
父萬戶忠定公祠墓并諸兄天益等墓及其宗族
今尚在本縣

嘗復初本縣人乃燕實之裔內翰儀之派也為人清
慎簡諒德器深厚嘗被選為京少尹稍遷京大夫尹

有惠政于燕燕人德之至正中拜中書參議縉紳
間以公輔期之

張徹字克禮本縣鑑里人由憲史任御史臺照磨江
南諸道行御史臺監察御史雲南肅政廉訪司僉
事丁父憂起爲四川肅政廉訪司僉事陞領北湖
南道廉訪司副使調湘江中書省左右司郎中所
至著能聲

仇敏字好古本縣人任甘肅行省照磨提舉都城所
同提舉廣誼司副使江西等處行省理問所官奉
元路總管追封南陽郡侯

陳志本縣光遠里人任奉元路總管

國朝

來本縣永清里人由監生洪武中拜湖廣道監察
御史陞都察院僉都御史正色立朝彈劾不避權
勢

李節字文度本縣安政里人儀觀凝峻節操堅貞由
監生永樂七年授戶科給事中尋陞刑科都給事中
論事務存大體而畧細故十九年陞四川按察
司副使振肅風紀氣節凜然宣德間都督陳懷鎮
守四川擅作威福陵駕方岳昔置一簿籍列三司

名銜當入謁令次第書押舉皆俯從惟節毅然不可因袖以出遂條疏懷擅作威福不法數事奏之即召懷回京衆服節剛介尋陞本司按察使符未至而卒

申春字時孟本縣弟友里人由永樂戊子舉人任江西道監察御史贈其父如已官封其母為大孺人幾二十年居憂省祭凡三至必其為人寬厚有量善飲雖居憲職不事邊幅以故鄉人無少長皆愛敬之嘗按治廣西山西等處所至有聲後陞雲南潯江府知府將之任以疾卒于家時年五十三

段信字宗實本縣長孫里人穎悟有氣節動學強記宣德壬子以書經領陝西鄉薦登正統丙辰周旋榜進士初拜杭州府推官廉介不撓獄無冤滯上下翕然稱之未幾擢山西道監察御史轉淞江道巡按雲南及南北直隸監軍口外所至風節著聞正統己巳陞都察院右僉都御史出守紫荆關北虜入寇落職移守倒馬關極力捍禦邊境賴寧

上嘉其勤勞復起為大理寺左寺丞卒于官

張鶴字九臯本縣光遠里人元廉訪副使做之曾孫天資穎敏襟度軒豁少游邑庠勤於問學禮部尚

書曰公震見而異之謂其夫人曰此英物也不可
失遂以女妻之永樂丁酉領陝西鄉薦明年會試
未偶尋拜行在戶部主事封其父母如已官陞員
外郎以註誤左遷山東布政司經歷丁父憂服除
改南京光祿寺署正尋丁母憂服除復授前職秩
滿陞南京戶部員外郎景泰初陞順德府知府在
任三載政平訟理致仕歸卒于家

杜崇字善政本縣通義里人儀觀豐偉剛毅寡合經
明行修尤善星遁風角之術由鄉貢進士任真定
府通判調彰德府時靖遠伯王公驥征麓川舉陞

兵部職方司郎中參贊戎政其功居多因謫言忤
當道止錄其功食四品祿調南京戶部嘗兩署部
事人稱其識大體部宴後樹忽冬花附勢者以為瑞
崇正色曰此不祥之徵何直為此大謬衆皆赧然
其剛正類此性至孝母喪廬于墓側誥贈其父母
後陞雲南知府政績著聞以老乞致仕詔進三品
階通議大夫榮其身卒年八十一

張曉字光曙本縣永清里人自幼端重簡默若老成
人由邑庠生中天順壬午鄉試登成化己丑張昇
榜進士授山西襄垣縣知縣盡心敷治賦役均平

里胥無所售其奸聽斷明決而獄無冤滯歲凶則
發倉廩以救飢年豐則廣儲積以備荒開拓學官
士風丕變猛虎爲患不捕自斃巡撫按交章薦
其賢能陞江西道監察御史奉 勅督辦長蘆鹽
課又巡按四川所至有聲陞湖廣按察司僉事邊
方夷人跳梁本司官當一員徃治衆皆推避曉慨
然就道或言當用兵曉曰此迫之亂耳當先撫之
如其不服然後移師臨之未晚至彼宣布 朝廷
威德陳其利害夷人果皆聽撫而地方安矣遷河
南按察司副使時大河泛溢爲山東河南地方患

獲四皓乎薛元超贊帝曰漢欲廢嫡立庶故四人
者爲出豈如陛下親降岩穴耶帝悅因勅游巖將
家屬乘傳赴都拜崇文館學士帝嘗奉天宮游巖
舊宅宣宮左勅勿毀之御書榜其門曰隱士田游
巖宅進太子洗馬裴炎死坐素厚善放還山蠶衣
耕食不交當世惟與韓法昭宋之問爲方外交云

忠義

金

楊達夫字晉卿三原人泰和三年進上有才幹所至
可紀召補省掾草奏章坐字誤降平家府判官嘗

主鄆縣簿事一從簡吏民樂之達夫亦愛其山水
之勝因家焉日以詩酒自娛了無官情會有詔徙
民東入關達夫與衆行及韶避兵於州北之橫嶺
爲游騎所執將褫衣害之達夫澁然直立馬首略
無所懼稍侵辱之即大言曰我金國臣子既爲汝
所執不過一死忍裸袒以贖天日耶遂見殺兩山
潛伏之民竊觀之者皆相告曰若此好官異日祠
之當作我橫嶺之神

朱春懷一統志云元末爲三原縣尹 本朝大兵克

奉元春謂其妻曰吾當以死報國妻曰母能產此
妻豈不能死乎 投崖死崖即此北之河崖也

文學

唐

扶寶三原人太常博士 九和中朔方別帥闡某者封
邑太原以言非本郡上謂宰相李吉甫曰有司之
誤不可再也臣使儒生條其源系考其郡望子孫
職任並總緝之每加爵邑則令闡視吉甫以命寶
撰元和姓纂十卷二十旬而成

孝行

元

王忠字善道本縣長孫里人窮經修行能盡孝道值母有疾欲為之娶忠曰吾母疾亟安忍為此遂不娶後母卒廬於墓側日夜號哭寢苦枕塊盡食水飲人所不堪有司以事聞旌表其門羅為學官二調借階郤水教授

貞節

元

孫氏三原隱士張德善德亡孫年二十四子世亨甫五歲孫誓死靡他與妯娌同爨攻苦食淡始終若

一世身亦曰卒其妻王氏年二十九三子忠九歲贊七歲斌二歲王亦誓不再嫁忠娶劉氏生二子緊四歲珪二歲而忠亦卒劉時年二十八亦能守義不渝操履純白先後相率事聞詔旌表門閭後孫年八十九壬午七十劉年六十七皆以壽終人稱張家三節婦云

國朝

吳氏三原通義里民仇秉陵妻年二十六秉陵卒于商子純甫五歲吳奉姑撫子誓不食他姓事聞詔旌表其明

景泰三年

詔旌表其明

任氏三原光遠里民王仲禮妻年二十四子敬甫二歲而仲禮卒誓不他適堅守其節撫育遺孤以延宗祊與妯娌同事舅姑而舅姑安之有司垂於上聞旌命不及年六十四而卒人咸惜之

曹氏三原廣智里孝子張翼妻年二十五生子學方四月一十八日而翼卒曹養姑劉氏撫育子學守節誓不再出時成化二十年縣尹葛章具奏

馬夏姐年十四歲居民馬朝江女失母聞流寇至

東關恐受汚解招覆面自沉于井知縣張縉爰上其事巡按傅公具題旌表其門

行義 元

李子敬字恭甫三原人質謹孝友開於治生產積日益富好賑窮乏宗族鄉黨因其資而葬者三十餘喪婚者八十餘姓賢驅而為良者幾人舉貸不能償者毀其券總為錢六萬餘緡關中饑有田業者率賤售救死子敬所買數頃後聽贖惟取原直即不能贖亦昇還之計直錢四千六百五十緡里巷火燬數百家近其宅火自息復捐錢二百五十緡恤被災者與弟子懋創三皇廟及學古書院計費緡錢二十萬割田若干畝以供釋奠廩師生集賢學士蕭貞敏公對回文貞公恕實請其家以相其

事行省上其義詔旌表其門

國朝

劉銘字銘善本縣通義里人爲人寬厚與物無競善治生遂致富饒能恤孤憐貧尤厚於親故自奉甚薄施與不吝嘗出粟二千石以備賑濟正統三年詔旌其門爲義民

王清字源潔本縣北張里人性資梗直不欺良善不畏強禦勤於農業以其餘積借貸與人取其利息遂致殷實亦能出粟一千石以備賑濟亦於是年詔旌其門爲義民

陳恭字守敬本縣安政里人能安分守已動不踰閑治家勤而能儉待人和而有禮賙窮恤墮畧無德色出粟五百石以備賑濟

詔爲立石旌爲義民

附

孝行

張昶字世宏事親色養兼備初築益河東以父痿疾弃商攻岐黃朝夕調攝飲食必手治父所思啖必多方辦之冬月得雙鯉兩鳩若有神惠者病篤嘗糞以卜其吉且焚香籲告願以身代父張曰曰官

司不索我矣因汝孝增壽一紀後果然馬谿田先生輩私謚曰孝莊先生有司聞于

朝歿以子曉貴贈御史大夫以孫原貴贈諫議大夫

忠諫

張原字玉坡性耐孝友天錫忠貞數月諫垣八年窟地蕭什寄興深懷拾遺之忠君開誨作人無異文翁之化俗夜郎春至召下金雞還朝未幾值

大禮之議援古衡制共揚修撰等力持議言竟以天威震折之嚴株及鈎連與裴給事等立斃闕下日臨景霽天愍遺忠朝廷有褒封卹廕之榮有司

調停又著齊民要書以導化之興治善俗褒良剔蠹陰裁兵耗省絕交際皆有石画越中著為令甲入秉總憲公忠亮直為僚屬率門無包匭庭多彥俊常請下考選命請停礦稅請釋被逮諸臣

疏十餘上不報遂約諸大臣伏闕大哭自己至

申上震怒遣中官問主名公慨然對曰臣純也

為社稷生靈計不敢愛死尋宣旨慰藉偶上

違和忍有旨罷礦稅釋幽繫下行取考選之令

中外忻然公慮有中變急與司農家宰謀即日趣行取諸臣到任謝恩訖獨司寇猶以出幽繫俟再

請明日果反汗知者服公先見公在位夙夜匪懈
國家大政大疑朝士皆賴剖決嫉一二奸媚思為
君側逐惡拊去就劾之大忤政府意京察又奉公不
聽政府私庇遂共排陷公幾中以奇禍公少不為
動亦不寘辨一意乞休先後疏屢上 命下蕭
然單車出春明門士紳咨嗟以為兩疏再見居鄉
為德里閭甚多未易枚舉其大者如倡義施粥活
數千人倡義創石梁修學宮文昌閣諸工功鉅費
侈迄底有成而公先後捐俸襄助幾破家為之登
仕籍四十餘年以直氣忤三權相拂衣里居者數

四率閉門誦讀及課弟子子弟講明正學老而彌
邃宋儒所未能發又定四禮式還朴追古邑俗五
變間託興詩文雅足式世于是遠近從遊之士數
千人咸感慕學行興起于靜默直醇之教大漸條
臨途哭戶泣爭建專祀于學舍河壩伏膺祀之已
同請于當路題請如玉端毅公祠例其恩德被人
如此古稱貞不絕俗儉不偏下生留茂勳沒被美
譽惟公當之無媿允大臣之風節真儒之實踐也
沒贈少保 賜謚恭毅

溫子知字无知明時雅望理學真儒胄出名公寧澹克
承乎先德躬循至道家邦交洽於密脩慵就簪纓紉
蕙衣薜以終老厭離烹餅燒芋樹水以樂饑闕詎育
才則刺藝橫經之際重見考亭處鄉為德則構橋
舟閣之倫彌過畏壘蓋煙姿霞韻既超出於風塵
而質行樸心獨參游乎賢聖紀年自攷無不可對人
言而與天知馳譽遙聞咸力信法當時而傳後世
故鑒品者爭稱其清品觀風者每式其古風戒奢
去浮移俗之功斯大黜邪崇正衛道之心倍嚴醞
藉媿於王河汾而不肯以著述成名綜畫似乎張南
軒而祇得以孝友為政山林鬱其幹濟空嗟易地之
顏淵恬淡結其玄修實見今時之伯夷

國朝故事可稽常布孝廉俱易名而從祀即天府人賢
相望蓋田宿學已分饗於會城今本縣鄉賢祠久
已崇祀然關西輿論以為予知品格行誼學問操
履粹然一出於正卓乎無復可議合無申請應
錫易名從祀之典云

貞節

岳文魁妻梁氏廿九之年稱未亡人七旬有六克終
婦道杭志松筠劉桓之媿垂教日月常宗之傳

郝緒妻崔氏以苦節著

節孝張氏有明儒士段顯妻年甫十九歲遂稱未亡人永謝鉛華終衣縞素夜紡奉姑孝婦名昭陸海九熊課子賢母譽著西京不幸殫嗣段思明年甫三十遘疾早逝其婦師氏已先思明二年卒氏晨昏當戶撫育三孤鍾華鍾粹鍾秀備極艱辛亭亭素節保完玉以百年皎皎冰心徹冶金於萬口在昔温恭毅公勒石通衢以勵風化王端節公撰著碑文用彰懿美闔邑士民僉議鐫厥志乘昭示未茲者也

重修三原志卷之六

見陵後學朱豆亦易纂輯

國子祭酒晉陵王儉廷貴校正

人物二

甲科

唐宋元無考

金

承安二年呂造榜進士一名

賀天祐三原人

泰和三年許天民榜進士一名

楊達夫字晉卿三原人任平京府判官

國朝

共武十八年丁顯榜進士三名

范原字宗元張村里人治詩經任山東道監察御史

史

王昱字子昭永清里人治易經任兵科給事中

張山字孟瞻安政里人治春秋任江西道監察御史

史

正統元年周旋榜進士一名

陸信元顯達

正統十三年彭時榜進士一名

王恕字宗貫號介菴光遠里人治易經改翰林院

庶吉士任大理寺左評事陞左寺副楊州府知

府江西右布政使河南左布政使都察院右副

都御史撫治流民左副都御史巡撫河南南京

刑部左侍郎管部事刑部左侍郎總理河道南

京戶部左侍郎管部事復轉左副都御史巡撫

雲南陞都察院右都御史仍前巡撫轉南京都

察院右都御史叅督機務陞南京兵部尚書仍

前叅督轉兵部尚書兼都察院左副都御史巡撫

楊達夫字晉卿三原人任平京府判官

國朝

共武十八年丁顯榜進士三名

范原字宗元張村里人治詩經任山東道監察御史

史

王昱字子昭永清里人治易經任兵科給事中

張山字孟瞻安政里人治春秋任江西道監察御史

史

三統元年周旋榜進士一名

張信元顯達

正統十三年彭時榜進士一名

王恕字宗貫號介菴光遠里人治易經改翰林院

庶吉士任大理寺左評事陞左寺副楊州府知

府江西右布政使河南左布政使都察院右副

都御史撫治流民左副都御史巡撫河南南京

刑部左侍郎管部事刑部左侍郎總理河道南

京戶部左侍郎管部事復轉左副都御史巡撫

雲南陞都察院右都御史仍前巡撫轉南京都

察院右都御史參贊機務陞南京兵部尚書仍

前參贊轉兵部尚書兼都察院左副都御史參贊

蘇松等十三府州兼管杭嘉湖三府糧儲復改兩
京兵部尚書參贊機務加太子少保以言事忤左
右革去太子少保以尚書致仕成化二十三年
孝宗至尊即位遣使賚勅召為吏部尚書加太子太
保任事六年褒贈三代七十有八致仕

欽賜內饌新鈔三千貫又命有司月給食米二石歲
撥人夫二名應用馳驛回還日在西園考究經
籍號石渠老人弘治乙丑年及九十恭遇

新天子嗣位賜勅備物遣使存問仍月加食米二石
歲加人夫二名正德三年四月二十日年九十

有三卒于家巡按陝西監察御史秦昂計聞

上為輟視朝一日諭祭者九命工部治葬事贈特進
光祿大夫左柱國太師謚端毅

成化五年張昇榜進士二名

梁澤字汝霖西陽里人治易經鄉試中解元改翰
林院庶吉士任湖廣道監察御史湖廣茶陵縣
知縣河南汝寧府同知懷慶府知府遼東苑馬
寺卿浙江布政司左叅政

張曉見顯達

成化二十年李旻榜進士一名

吳楨字茂材崇明里人治易經任刑部貴州司主事調南京禮部儀制司主事卒

弘治六年毛澄榜進士一名

王承裕字天宇太保公第七子治詩經任兵科給事中陞吏科右給事中刑科左給事中吏科都給事中太僕寺少卿本寺知南京太常寺卿戶部右侍郎南京戶部尚書

弘治十二年倫文叙榜進士一名

高良弼字夢說北張里人臨洮府學軍生治春秋任真定府推官陞浙江道監察御史

弘治十五年康海榜進士一名

李伸字道甫豆堡里人治詩經任山西臨汾縣知縣陞山東道監察御史浙江嘉興府四川保寧府二府知府四川按察司副使

弘治十八年顧鼎臣榜進士一名

秦偉字世觀弟文里人治易經任戶部清吏司主事署郎中陞直隸保定府知府山西按察司副使布政司左叅政

正德六年楊慎榜進士一名

任舜臣字承華通義里人治易經任長洲縣知縣

正德九年唐臬榜進士四名

馬理字伯循留坊里人治春秋及詩經任吏部稽勳考功文選司主事陞稽勳文選司員外郎考功司郎中南京通政司右通政光祿寺卿

張原字士元末清里人治易經任吏科給事中陞

戶科右給事中

郝世家字道傳光遠里人治春秋任南陽府裕州

知州陞刑部山東司員外郎山西山東按察司僉事江西布政司左叅議四川按察司副使

張彥景字明遠武官里人治書經任山西陽曲縣

知縣陞山東道監察御史山東四川按察司僉事

正德十五年楊維聰榜進士一名

穆相字伯寅武官里人治易經任山東沂水縣知縣陞山西道監察御史

嘉靖二年姚涑榜進士二名

維昂字仲俛永清里人治易經任太常寺博士陞

吏科給事中刑科右給事中四川按察司僉事

秦錫字子京永清里人治易經任浙江蕭山縣知

縣陞南京戶部廣西司主事工部營繕司員外

即本部水司郎中調戶部山西司郎中西大同府知

嘉靖八年羅洪先榜進士二名

高仲福字壽卿廣智里人治書經任山西臨晉縣知縣

趙瀛字文海北隴里人治禮記任山東章丘縣知縣

嘉靖十四年韓應龍榜進士二名

來聘字安國永清里人治詩經

皆如思字子學長孫里人治易經

鄉試

洪武甲子科

范原見甲科

張山見甲科

王昱見甲科

洪武丁卯科

楊鵬字九萬長孫里人任禮部郎中

洪武丙子科

張健字志剛通義里人任河南永寧縣知縣

永樂戊子科

申春元顯進

張顯字有常文皇人任四川慶符縣知縣

李郊字志灼歸仁里人任四川漢州知州部糧卒

于茂州有顯應彼處奉以爲土神

張施字空秀通義里人任河南泌陽縣知縣

趙昂字顯若歸仁里人任上林苑銀杏署署正

永樂辛卯科

吳研字文思光遠里人任大理寺左寺左評事陞

左寺正

王福字壽昌光遠里人任刑部司務陞雲南晉寧

州知州一任山西吉州知州

永樂甲午科

溫良字處善焦吳里人任山東壽光縣知縣陞鳳

陽府通判

馬驥字大良東陽里人未仕卒

仇廷字秉直通義里人任山西壽陽縣主簿

張進字惟善永清里人未仕卒

永樂丁酉科

杜崇見顯達

張鶴見顯宦

袁周字大易陝南里人未仕卒

永樂庚子科

唐嵩字景高安政里人後周吏部尚書瑾之裔顯
悟有識治書經會試不偶卒業成均宣德初遭
父喪不作佛事羹祭一依家禮而行自是鄉人
化之多用家禮行事風俗為之不變實公啓之

也任西城兵馬指揮克舉厥職有聲于時居母

憂服除至京聽選以疾卒

浦青字文著通義里人任直隸河間府東光縣

實義字子宜留入任山西文水縣主簿

何禋字奉宗永清里人任鴻臚寺序班陞興化府

經歷

宣德丙午科

王軌字存車永清里人治書總任直隸河間府學

訓導

堯智字文鑑永清里人治書總任鴻臚寺序班陞

河南懷慶府經歷

宣德壬子科

王錡字子和弟友里人治易經中經魁任四川溫江縣學訓導陞南部縣學教諭丁憂服除改河南夏邑縣學教諭

段信見顯達

雒守一字執中焦吳里人莊重守禮言動不妄治書經任山西蔚州學正勤於訓誨門生如宋弼等日有進益科目可望及瓜期去任後宋弼中鄉試登進士公竟以任內無舉人左遷廣昌縣

學訓導居憂服除復除壺關縣學訓導致仕其在三學俸廩之外雖束脩之禮亦不爲受及其歸休閉門謝客制行之高人罕及之有古儒者之風

宣德乙卯科

崔春字景揚三家里人治春秋任河南陳州學訓導望山西廣昌縣學教諭改保定府高陽縣學教諭四川松潘衛學教授若大理寺御田景賜按察副使吳琮御史李敬主事鮮賓李儼輩皆是在高陽時受業門生此是李儼言非過譽也

正統辛酉科

王恕 觀甲科

正統丁卯科

楊勳 字孟春 北張里人 任山西壺關縣知縣 改大

名府濬縣

安瑤 字廷正 光遠里人 未仕 卒

景泰庚午科

三理 字木泚 永清里人 任山西布政司經歷 改廣

東布政司經歷

劉善 字大本 留坊里人 任山西交城縣縣丞

景泰癸酉科

李恭 字欽若 通義里人 未仕 卒

景泰丙子科

孫佐 字良臣 歸仁里人 任直隸鳳陽府通判 改河

間府通判 又改重慶府通判

天順己卯科

張訓 字廷誨 通義里人 知縣 廬之孫 任河南沔池

縣知縣

申瓊 字廷瓚 弟友里人 任山東青州府蒙陰縣知

縣

天順壬午科

馮禎字天瑞安政里人任山西文水縣知縣改順

德府內丘縣

張曉

字顯達

成化戊子科

梁澤解元見甲科

成化甲午科

張弦字威遠末清里人任雲南鎮南州知州改湖

廣柳州

成化丁酉科

吳攢見甲科

成化丙午科

王承裕見甲科

弘治己酉科

王承祥字天瑞太保公第四子治易經任順天府

通判陞都察院經歷貴州山西布政使司左叅

議

弘治壬子科

龔濂字希周縣丞清之弟洽詩經任山西孝義縣

知縣

張秉正字守貞按察使曉之從姪孫治易經任朔州知州陞兗州府同知順天府治中長蘆運鹽使司同知

弘治乙卯科

張原見甲科河南按察使曉之子

弘治戊午科

高良弼見甲科

党汝蘭字德馨永清里人易經魁

馬理見甲科

白霖字子望西陽里人治易經

胡大用字濟時歸仁里人治書經任山西平定州

學正

秦偉見甲科

弘治辛酉科

劉德學字子明留坊里人治春秋

任舜臣見甲科

李伸見甲科

李德明字子監復永清里人治禮記任湖廣岳州府

通判陞河南南陽府同知

秦寧字邦泰永清里人治詩經任山西沁水縣知

縣

張友直字益之焦吳里人同官縣學生治易經任

山西壺關孝義二縣知縣

孫洽甲子科

王龍山字景瞻揚杜里人靖虜衛軍生詩經魁

張彥杲見甲科

正德丁卯科

張元相字思欽光遠里人治書經任順天府寶坻

縣知縣

郝世家見甲科

雖昂見甲科

正德庚午科

王明字季昭光遠里人治禮記

潘汝壽字平格豆村里人治易經任山西曲沃縣

知縣

雷宗義字時宜崇明里人治易經

正德癸酉科

穆相見甲科

李應鑿字伯雨永清里人治易經任山西壽陽太

平二縣知縣

正德丙子科

胡來聘字惠甫歸仁里人學正大用之子治書經

任羅山范縣二縣知縣

李良心字汝仁留坊里人治春秋任四川什邡縣

知縣

高仲福見甲科

正德己卯科

秦鎬見甲科

王朗字伯光遠里人治禮記任大同府山陰縣

知縣

賈朝字觀之光遠里人治詩經任山西陵川縣知

縣

嘉靖壬午科

張時雍字濟堯留坊里人治詩經

王輅字公升光遠里人治易經

李疊字伯強副使仲之子治詩經

馬恭字幼安留坊里人治春秋任新河縣知縣

嘉靖乙酉科

王朝字伯洛光遠里人治禮記

晉守正字樸夫弟友里人治書經

嘉靖戊子科

穆懋字伯絕武官里人治易經

趙瀛見甲科

外如思見甲科

周廷字公所長孫里人治春秋

嘉靖辛卯科

采賀字泰國永清里人治易經

惠及民字世瞻毛坊甲人治書經

來聘見甲科

嘉靖甲子科

張文卿字子華光遠甲人解元治書經

馬斌字德恭北隴里人治禮記

范世勳字汝功東陽里人治書經

胡汝安字恭甫城北里人治易經

王佩字玉夫光遠里人治易經

梁木字時用西陽里人治易經

歲貢

洪武年間

來恭見顯達

常允字公信歸仁里人任工部主事陞廣西布政

司參議

苟誠字道源張村里人任山東東昌府推官

李蓋字仁覆豆村里人

邵嶽字具瞻

陳英字廷偉

康寧字道寧豆村里人任四川雙流縣知縣陞雲

南按察司僉事

袁德字存理光遠里人任四川南川縣知縣

劉德字文玉光遠里人任四川道監察御史

晁瓚字子玉安政里人任四川石泉縣主簿

趙亮字伯寅留坊里人任湖廣長沙府檢校

賈貴字文中光遠里人任山西平陽府隰州判官

任棻字存敬安政里人

永樂年間

李節見顯達

楊昇字時雍留坊里人任工部主事

韓瑜字韞夫永清里人任山東臨清縣縣丞

王端字大本豆村里人任山西平遙縣知縣

杜文字本中通義里人

李浩字淑方歸仁里人

馬駿字舜卿通義里人

張瑀字伯溫永清里人

王惠字文政歸仁里人任滄安府宿遷縣主簿

李茂字廷輝豆村里人任陽和衛經歷

靳毅字弘毅張家里人任河南府鹽山縣縣丞

韓謐字仕安豆村里人任順天府密雲縣主簿

李埏字孟和弟友里人

張本字大中弟友里人任四川重慶府照磨

李聰字彥章弟友里人任直隸天津衛經歷

郝芾字文秉光遠里人任鎮江府丹徒縣主簿

王制字文度西陽里人任四川彭澤縣知縣

楊孚字大春師家里人

路通字大由師家里人

王豫字克順永清里人

宣德年間

馬騫字伯馴留坊里人

李榮字大用光遠里人

張明字孔昭巨堡里人任河南延津縣學訓導陞

和順縣學教諭

段智字文哲光遠里人任四川叙州府學訓導陞

大寧縣學教諭

郭寧字子安豆村里人

同烈字男濟通義里人任保定府蠡縣縣丞

正統年間

王勉字時進留坊里人任遷安縣縣丞

郭繼祖字紹宗弟友里人任懷來衛知事改山東

魚臺縣縣丞

王敏字孟明通義里人任山東諸城縣縣丞

申頴字希龍弟友里人任懷慶府知事

安瑤見鄉貢

焦致字廷玉安政里人性巧嗜學志存忠義尤善書札任河南鄆陵縣知縣勸課農桑均徭首刑有惠政陞順天府推官獄無冤滯以禮致仕終於家

趙和字景煦歸仁里人任鴻臚寺序班

景泰年間

丁英字世賢留坊里人冠帶榮身

采順字志和永清里人任衢州府檢校

徐文字思章安政里人

張賢字廷舉永清里人任山東布政司檢校

任遜字孔讓通義里人任寧化千戶所吏目

天順年間

趙濟字行仁歸仁里人任山東東阿縣縣丞

李璉字廷璋副使節之子任崇府奉祀副

郭純字惟一安政里人

韓銘字宗湯豆村里人任山西馬邑縣學訓導

成化年間

左貴字大祿留官里人任山西汾州訓導

張淵字本深安政里人任廣平府經歷

蒲榮字培本通義里人任揚州府泰興縣主簿

焦琰字廷玉安政里人性巧嗜學志存忠義尤善書札任河南鄆陵縣知縣勸課農桑均徭首刑有惠政陞順天府推官獄無冤滯以禮致仕終於家

趙和字景煦歸仁里人任鴻臚寺序班

景泰年間

王英字世賢留坊里人冠帶祭身

朱順字志和永清里人任衢州府檢校

徐文字思章安政里人

張賢字廷舉永清里人任山東布政司檢校

任遜字孔讓通義里人任寧化千戶所吏目

天順年間

趙濟字行仁歸仁里人任山東東阿縣縣丞

李璉字廷璋副使節之子任崇府奉祀副

郭純字惟一安政里人

韓銘字宗湯豆村里人任山西馬邑縣學訓導

成化年間

左貴字大祿留官里人任山西汾州訓導

張淵字本深安政里人任廣平府經歷

蒲榮字培本通義里人任揚州府泰興縣主簿

溫春字同仁焦吳里人

高佑字彥賓北張里人

于俊字廷傑師家里人

李瑄字公爾焦吳里人任蘇州府崑山縣主簿

宋達字雲路留坊里人任雲南路南州同知

唐翰字文甫安政里人兵馬指揮嵩之姪

趙導字克循光遠里人任四川彭溪縣學訓導

張利字廷鳴崇明里人任四川江油縣學訓導

弘治年間

杜澄字有光通義里人任施州衛大田軍民守禦

千戶所吏目

中溥字文博弟及里人任保定府清苑縣主簿

李勣字時敏廣智里人任貴州鎮遠縣知縣

韓信字中孚通我里人任河南新鄭縣學訓導

雷鳴字大震歸仁里人任四川資州軍民大同二府知府

曹怒字希仁武安口里人任順天府霸州文安縣縣丞

張尚彬字宗正光遠里人任山西吉州學訓導陞新鄉縣學教諭

韋嗣字宗器師家里人任直隸廬州府學訓導

張鉞字邦輔歸仁里人任陞慶州學訓導

安榮字德華光遠里人任四川保寧府檢校

邊輔字良佐光遠里人

常錦字世榮歸仁里人任直隸寧晉縣學訓導

張彝字大倫第友里人任山西平陽府學訓導

正德年間

李邦寧字本固安政田一人任直隸完縣學訓導

孫州學正山東 德府教授

祁瑄字國用光遠里人任廣西鬱林州吏目

實彰字伯孝留坊里人任山東嶧縣學訓導

張紳字佩訓橋杜里人任河南開封府學訓導

李志學字明善陂南里人任四川彭溪縣學訓導

王綬字孟章光遠里人任蘇州府崑山縣主簿

馮盛字未昌安政里人任河南濟源縣丞

秦邦彥字國美第友里人任南直隸潁州學訓導

陞直隸原武縣學教諭

李大綱字振紀安政里人任南直隸望江縣主簿

馬文玘字玉之留坊里人任南直隸潁州學訓導

陞直隸寧晉縣學教諭

嘉靖年間

申胤字繼賢第友里人

張佐字良臣安政里人任四川南部縣學訓導

張秉字應奇通義里人任太倉州學訓導陞大同府山陰縣學教諭

趙穎字育賢歸仁里人任山西稷山縣縣丞

王節字汝堅尤遠里人

張龍字洽兩光遠里人

李邦傑字維賢安政里人

楊子美字汝脩歸仁里人

張洽國字子正安政里人

詔例冠帶儒官三名

張楠字直大安政里人

劉汝江字東之留坊里人

王漢字濯之歸仁里人

正統年間循例入監四名

常貴字志良師家里人

秦冕字公黼安政里人任揚州府知事

張拱字文瑞北張里人任德州衛經歷

陳常字時夏尤遠里人任山西榆次縣縣丞

張秉字應奇通義里人任太倉州學訓導陞大同

府山陰縣學教諭

趙穎字育賢歸仁里人任山西稷山縣縣丞

王節字汝堅尤遠里人

張龍字洽雨光遠里人

李邦傑字維賢安政里人

楊子美字汝脩歸仁里人

張洽國字子正安政里人

詔例冠帶儒官三名

張楠字直大安政里人

劉汝江字東之留坊里人

王漢字濯文歸仁里人

正統年間循例入監四名

常曹字志良師家里人

秦冕字公黼安政里人任揚州府知事

張拱字文瑞北張里人任德州衛經歷

陳常字時夏光遠里人任山西榆次縣縣丞

天順六年循例入監二十六名

張沿字廣天光遠里人

張英字仕傑張村里人

馮源字朝宗西陽里人任瀋府審理副

馮善字宗仁安政里人任山東章丘縣縣丞

孫寧字仕安武官里人任隆慶州判官

張準字惟則安政里人

王鑑字文明永清里人任山西翼城縣學訓導

劉讓字允遜安政里人任山西大谷縣學訓導

徐亨字尚通長孫里人任四川西鎮千戶所吏目

郝祥字廷瑞光遠里人任河南郟縣主簿

韓廣字文博永清里人任山西大有倉副使

周文通字尚文歸仁里人

王規字大方通義里人任山西黎城縣主簿

常學字時勉歸仁里人

趙愷字彥康署正昂之子任山西和順縣主簿

段杲字國光通義里人任河南林縣主簿

趙文字景新歸仁里人任中城兵馬指揮司副指

揮陞山東濟南府通判

段際隆字廷弼僉都御史信之子任山東聊城縣

縣丞

李濟字傳舟安政里人任山西芮城縣主簿歷陞
臨潁縣知縣食從六品俸守制終于家

屈鑑字廷輝弟友里人

張尚恭字宗敬知府鶴之子

張尚文字宗翰光遠里人任驍騎右衛經歷陞山

東臨清州同知致仕

王詔字鳳儀毛坊里人

秦中字景和永清里人任鳳陽府鳳陽縣主簿

溫漢字廷璽通判良之子任河南封丘縣縣丞

龔清字希蕙焦吳里人任山西石州吏目陞孝義

縣縣丞

成化十九年循例入監一十九名

王相字良輔弟友里人任浙江布政司檢校

華員字體乾永清里人

惠仲仁字汝德毛坊里人任河南衛經歷

李順字養正歸仁里人

王道字大猷陂南里人

宗厚字繼先師家里人任

仇澹字時及通義里人

李明字德彰副使仲之父

李秉正字得中通義里人

秦玟字國顯廣智里人任河南新鄉縣主簿

劉錦字綱之求清里人任山西遼州判官

李文儒字惟賢光遠里人任河南懷慶府濟源縣丞

段際時字廷佐長孫里人任國子監典簿

張尚學字宗教同知尚文之弟

李遜字尚佩箏之四世孫任唐府引禮

焦滋字德潤推官玟之孫

趙賢字尚德歸仁里任山東涇縣四川涪縣三縣主簿

房爵字廷頌張村里人任山東昌樂縣主簿

龔琦字大器縣丞清之子任四川嘉定州同知

張來字鳳儀知縣訓之子任山東單縣滕縣縣丞

正德三年循例入監七名

馬樞字良材光遠里人

李萬鍾字廷賜歸仁里人

趙儒字宗魯歸仁里人通判艾之孫任直隸開州判

官陞香河縣知縣

張阜字兆廷求清里人

王朝用字仕顯留坊里人任四川桐梁縣主簿

秦待時字汝庸廣智里人

秦淵字子深永清里人

正德十年循例入監四名

王朝宗字士忠朝川之弟任山西臨晉縣主簿

王璿字國器光遠里人

李仲爵字君與弟友里人任四川行都司斷事

孫埴字德潤光遠里人

正德十三年循例入監三名

王環字國用璿之弟

于虎字邦衛師家里人

晁幾字君在歸仁里人

嘉靖四年循例入監三名

李尚忠字宗夏豆村里人

秦嶽字汝瞻永清里人

王守正字貞卿焦吳里人

嘉靖五年循例入監五名

王質字本潔光遠里人

秦從師字德成弟友里人

張煒字賁夫永清里人

李士英字彥夫光遠里人

王守德字性卿守正之第

武勳

慶祥三家里人由武功任寬河衛指揮同知

邢原武官里人由武功任隆慶左衛指揮僉事

李倫通義里人由武功任南京龍虎左衛衛鎮撫

武全城北里人由武功任南京龍虎左衛衛鎮撫

同雲北社里人由武功任武德左衛左所千戶

范仕廉豆堡里人由武功任湖廣茶陵衛右所千戶

戶

薛遷豆堡里人由武功任梅花嶺守禦千戶所千

戶

董旻毛坊里人由武功任北京忠義前衛左所正

千戶

唐晃三家里人由武功任四川成都左護衛左所

千戶

張昂武官里人由武功任南京龍虎左衛左所百

戶

杜能西陽里人由武功任南京龍虎左衛左所百

戶

趙貴楊杜里人由武功任涼州衛右所百戶

喬材楊杜里人由武功任四川成都左衛左所鎮

撫

王忠城北里人由武功任永昌衛前所百戶

薦舉

康祥光遠里人由賢良方正任監察御史

王廉弟友里人由賢良方正任監察御史

吳徽光遠里人由賢良方正任懷慶府知府

周惟清長孫里人由賢良方正任淮安府知府

程孟蓋楊豆里人由賢良方正任臨江府知府

王孟常武官里人由賢良方正任德州平原縣知

縣 以上俱洪武年間中舉

張徵字以用訓科徵之兄以精通方牀天順間舉

為太醫院醫官尋授御醫陞本院院判

三坤字時順永清里人以精通方脈弘治五年舉

為本府淳化縣醫學訓科

封贈

元

郝和尚天挺父也幼聰敏長通譯語善騎射太宗憲

宗時多著武功歷陞河南行省宣德西京太原平

陽延安五路軍民萬戶卒葉三原大德二十一年以
天挺拜中書左丞誥贈安民靖難功臣太保儀同
三司冀國公謚忠定配劉氏封冀國公夫人李戴
神道碑見詞帝

張德明字考明本縣鑑里人賦性淳質廉清忠厚以
子世榮貴封奉議大夫信州路鉛山知州驍騎尉
涇陽縣子配李氏贈涇陽縣君事載墓碑

張世昌字周卿德明次子以子做貴贈文林郎陝西
等處行中書省左右司都事追贈奉議大夫奉元
路總管府治中驍騎尉長安縣子加贈中順大夫

兵部侍郎上騎都尉清河郡伯元楊氏封宜人加

封長安縣君事載墓碑

仇德秀字信卿以子敏貴封承貞郎奉元路總管府
判官贈朝列大夫秘書少監加贈嘉議大夫大都
路都總管府總管妻紀氏封恭人加封南陽郡君
再加封南陽郡侯夫人

國朝

申伯恭澂江知府春之父宣德二年以春貴贈文林
郎行在江西道監察御史配王氏封太孺人

張鑄字景福元庶訪副使做之孫順德知府鶴之父

洪熙元年以鶴貴封行在戶部廣西清吏司主事
配康氏封安人

吳榮行在大理寺左評事研之入宣德五年以研貴
贈文林郎行在大理寺左評事配蓋氏贈孺人

杜榮雲南知府棠之父景泰六年以棠貴贈南京戶
部河南清吏司郎中配張氏贈宜人

王彥成號安止弘治辛亥以弟孫恕貴贈光祿大夫
柱國太子太保吏部尚書配張氏侯氏俱贈一品
夫人

王惟真乃彥成子號恆齋成化己丑以孫恕貴贈通

議大夫都察院左副都御史庚子加贈資政大夫
兵部尚書兼都察院左副都御史弘治辛亥再加
贈光祿大夫柱國太子太保吏部尚書配張氏贈
淑人加贈夫人再加贈一品夫人

王仲智乃惟真仲子號西園翁成化乙酉以子恕貴
封文林郎大理寺左評事卒年八十二己丑贈通
議大夫都察院左副都御史賜祭墓庚子加贈資
政大夫兵部尚書兼都察院左副都御史弘治辛
亥再加贈光祿大夫柱國太子太保吏部尚書配
周氏封孺人卒年七十有九賜祭贈淑人加贈夫

人再加贈一品夫人

焦文貴順天府推官珰之父成化甲午以珰貴贈文林郎河南開封府鄆陵縣知縣配譚氏贈孺人

張昶字世宋按察使晚之父有孝行私益莘莊成化庚子以晚貴贈文林郎江西道監察御史配竹氏

封太孺人

梁玘浙江布政司右叅政澤之父成化

以澤貴

贈文林郎湖廣道監察御史配孟氏封太孺人

趙讓東昌府通判艾之父成化甲辰以艾貴贈文林

郎中兵馬指揮司副指揮配程氏贈孺人繼室楊

氏封孺人

張鳳臨清州同知尚文之父成化丁未以尚文貴封

徵仕郎駢騎右衛經歷司經歷配李氏贈孺人常

氏封孺人

蔭叙

上承祐字天錫太子太保吏部尚書公之子成化三

年由邑庠生以蔭補國子生授南京右軍都督府

都事陞南京前軍都督府經歷居官能守勤於職

務初任受勅命進階為文林郎封妻為孺人再

任受

誥命進階為奉直大夫加封妻為宜人年五十一卒
子官歸葬於西園祖塋之次

三承祿字天爵太子太保吏部尚書公之子正德九
年以蔭授中書舍人正德十二年受勅命進階
為徵仕郎贈妻仇氏為孺人歷陞大理寺寺副左
寺副伊府右長史

王輔字公登戶部尚書公之子嘉靖五年以蔭補國

子生

馬服與字汝閑光祿寺卿理之孫嘉靖十二年以蔭
補國子生

溫子知字无知恭毅公冢子萬曆年以蔭補國子生
讀書不仕孝友蘆介之名著聞海內

溫樹瓊字行鳴恭毅公冢孫天啓年襲祖蔭補國子

生授前府都事陞太僕寺寺丞

方外
宋

清貞冲妙先生于氏諱元隱莫知所從來亦不知其
春秋幾何初從驢頭道者投大洞經十一章教以
鷄足山山裂得洞洞昏黑風沙擊人面不可入忽
日光穿隙見石匣一有二石人守護探匣得大洞

三十九章經盡得妙訣又十餘年再來鳳翔南稍與世接瘞遺骸飯爨囚賑貧療疾遠近奔湊如市郡守召與語先生求一室置大斛貯水高戶懸三
月守驚日遣人候之又三月忽坐水斛中自是啟禮臨叩吳伸道以事如秦遇先生于途至秦以問主帥帥曰安有是在此睡數月矣就視則尚寤也大觀元年詔州縣敦遣赴闕館于龍德宮賜玉磬二寶琴一既而國辭還清平又十餘年吏民以亢陽霖潦請禳無不立應與弟築觀三原脩真鄉十年而成詔名崇真觀一日易衣正坐睡去日過午呼之不應側臥而逝矣車闈命宣撫使童買祭葬建祠于終南山贈希夷玄道先生

元

天光真人白氏諱德明字繼道系出邠寧節度使孝德後家美原父獻命鄉貢進士母党氏常夢白鳳集于庭已而生德川德明道貌儼然志氣剛大通經史酷好老莊言員佑丙子遂舍家入道禮北極宮張道淵為師尋周遊諸方道過三原之龍橋鎮觀古龍陽宮正化二年碑徘徊久之於是鎮人砲手元帥楊子江因請德明興脩是宮事聞賜金紫

號天光真人詳見龍陽宮記

通微子姓李氏諱志性字誠之平陽曲沃人金泰和丁卯三月九日父坐堂上見一道人入室移頃通微子生體格殊特氣宇清朗曾有白環痕九歲辭父母從還元趙真人之法孫甄公入華峯脩道因游重陽宮抵醴泉憇于呂仙翁煙霞洞於是三原民程德用請住玉隆觀割田贍之一日謂門人曰泡影幻身其為棄物吾將往矣援毫題頌端坐而逝詳見玉隆記

通齊大師永靜姓姚氏父斌母王氏家於邑之橫水

鎮生而穎敏志慕空寂出家禮洪福寺惟深為師年二十講習經書凡三乘奧典靡不研究尋自洪福移徙慈雲四顧荒榛慨然以營脩為己任歲月幾五十稔乃抵于成費亦不貲傳法弟子百有餘人講習之處有立色霞彩聖燈顯現眾目駭異彈指讚嘆九路僧統雄辨大師以兄禮參拜時為安西路僧官不受朝廷兩起資戒大會見內壇主大德奉旨赴上都受戒於帝師賜號通齊大師勅賜經綾大衣禿魯赤大王賜金欄袈裟至元辛未皇子安西王二敝大會命師克十僧內壇主賜紅綾

加表表三朝優賞世稱盛遇

國朝

劉宗道三原浮陽鄉人洪武十八年學道終南山重陽萬壽宮後住邑之通玄觀三十三年歲旱

慶府召宗道禱雨克應命繪像製贊以賜其歸哉明年無疾而卒

方技

唐

陳藏器唐開元中爲京兆府三原縣尉以神農本草經雖有陶蘇補集之說然遺逸尚多故別爲序例一

卷拾遺六卷解紛三卷總曰本草拾遺共十卷

重脩三原志卷之六

重脩三原志卷之六

崑陵後學朱昱忝易纂輯

國子祭酒晉陵王儉廷貴校正

制詞

綸綍王言也或推恩以勸孝或因事而命賢無非寓
夫褒嘉戒勉之意仕而得之者鮮三原自唐李衛公
董豐功偉烈載在史策班班可見然而當時褒嘉之
誥戒勉之勅則無考焉若元之郝忠定我

朝太宰王公之所受及推恩三代者具在併用志之
以侈君父之恩意非直為觀美也

誥命

贈中書左丞郝天挺父母誥

上天眷命

皇帝聖旨崇德報功國家之異數慎終追遠人子之至情中書左丞郝天挺故父五路軍民萬戶河東行省和尚拔都魯文武兼資威名蓋世膺股肱心膂之寄於英又簡平之朝拔河東幾百城金人爲之奪氣敗襄陽四十萬宋將殆不能兵方安全晉之岷復有庸蜀之後懸幕而上遙知益都之亡一矢弗加安在劔門之險比聞亮逝

多歷歲時是用爵之上公公之美秩式副易名之典用昭大國之封祭遵之雅歌投壺典刑尚在羊枯之輕裘緩帶風采采存魂而有知服之無數可持贈安氏靖難功臣太保儀同三司追封冀國公諡曰忠定王者施行

上天眷命

皇帝聖旨婦人不出乎閨壺賢行或聞於朝廷匪爵因具夫則貴以其子賈善太天中書左丞郝天挺故母劉氏以阜昌之裔瓊碩大之門外奉賓僚必極物之豐腴內卹宗黨弗計家之有無故

能俾其後昆克承遺訓永膺魚軒之贈用新牲
石之書庶幾明靈服此休命可追封冀國夫人
主者施行大德十一年十二月日

南京戶部河南清吏司郎中杜棠并父母

妻誥

奉

天承運

皇帝制曰國家任戶部以戶口田賦金帛之政而置
屬特詳俾各分理一方苟非其人弗足以稱爾
南京戶部河南清吏司郎中杜棠早自上庠擢

佐郡政既陞斯職式克慎勤茲特進爾階奉政
大夫錫之誥命以示褒榮朕方以養民之政責
之戶部爾必公必廉毋狃于弊庶光服命欽哉
初任真定府通判

二任河南彰德府通判

三任兵部職方清吏司郎中

四任今職

制曰國家於任職之臣必褒顯及其親者所以重
本而勸孝也而何開於存沒哉南京戶部河南
清吏司郎中杜棠之父榮慶鍾厥子而祿養不

遠揆其所自宜有顯褒今特贈爾為奉政大夫
南京戶部河南清吏司郎中靈其不昧尚克承

之

制曰朕惟群臣之才者固本於父亦必資母德焉
存有褒榮沒有追贈此有國之通制也南京戶
部河南清吏司郎中杜棠之母張氏有子能官
而不逮養泝惟祈自宜錫褒榮茲特贈為宜人
尚克歆承永為泉壤

制曰夫婦人之大倫故朝廷推恩群臣命必及之
而於存沒一也南京戶部河南清吏司郎中杜

棠之妻蘇氏克相其夫而已早沒茲特贈為宜

人服此茂恩永光寵

景泰八年三月初九日

都察院左副都御史王恕并妻誥

奉

天承運

皇帝制曰朝廷設都憲之職有其長斯必有其副用
於內亦或用於外所以寄察奸之任甚重而資
馭宇之助甚遠矣爾都察院左副都御史王恕
發身賢科擢官法寺歷年滋久詳刑惟明遂遷
長於大郡亦屢更於名藩益著能聲爰陞今職

勞效彌積恩典宜加茲特進爾階通議大夫錫
之誥命以示褒嘉爾尚確氷稟之持慎風紀之
守美譽不渝顯庸無營欽哉

初任大理寺左寺左評事

二任本寺左寺副

三任直隸揚州府知府

四任江西布政司右布政使

五任河南布政司左布政使

六任都察院右副都御史

七任今職

八任南京刑部左侍郎仍支從二品俸

制曰朝廷推恩於臣而必及其配者所以厚風化
之原也豈以存沒有間哉爾都察院左副都御
史王恕故妻蓋氏克謹婦道以相其夫胡不借
榮而乃早沒茲特贈為淑人命服之華光于泉
壤

制曰君推恩於臣而婦從榮於夫者重大倫遵舊
典也爾都察院左副都御史王恕繼室張氏婦
道端慎內助良多沒既有年宜膺褒典特贈為
淑人服此茂恩光于幽室洪化五年五月

贈都察院左副都御史王恕祖父母誥

奉

天承運

皇帝制曰國家褒任職之臣而崇積善之祖者重本
遠勸忠篤也爾王惟良乃都察院左副都御史
恕之祖德既在躬慶故延後致有孫子數歷顯
官茲旌其勞特申褒典贈爾為通議大夫都察
院左副都御史靈其不昧尚克承之

制曰朝廷簡賢能畀重任將勸忠而敦孝必溯本
以推恩爾都察院左副都御史王恕祖母張氏

積善生孫登庸朝著勞績既彰彰官褒所自特贈

爾為淑人其尚靈承永慰冥澳北十五年

贈都察院左副都御史王恕父母誥

奉

天承運

皇帝制曰國家褒臣下申恩命斯於具親亦有加焉
蓋厚於重本之道也爾封大理寺左寺左評事
王仲智乃都察院左副都御史恕之父晦迹立
園克成其子懋濟顯用不懈於位嘗推所自錫
榮封美子今進秩爾乃先逝特贈為通議大夫

都察院左副都御史費奕如存尚其敬服

制曰揚名顯親人子之至願肆朝廷推恩於臣下
必有以遂其心焉爾孺人周氏乃都察院左副
都御史王恕之母端靜慈善儀範閭閻因子受
封已有年矣子今陟顯爾乃早逆揆其所由卹
典宜加特贈為淑人服此隆恩永光胤祚誠軌
旻明

六部尚書兼都察院左副都御史王恕并

宴語

奏

天恭禮

皇帝制曰兵部古之夏官也

之臺憲而綱紀以之司自

膺兼任之選爾兵部尚書兼都察院左副都御

史王恕發身賢科歷官棘寺賢聲茂者擢維郡

章遷方伯愈展旬宣之能副都憲式稱巡撫之

寄積有年歲勞効彌多屢轉亞卿進長臺憲載

陟司馬而參機務仍兼風紀以撫南畿餽其剛

介不阿端方有守可無旌寵以示褒嘉茲特進

爾階資政大夫於臧居保釐之任尚克殫乎民

瘠竭營襄之力其益副于朕快祇服訓詞未終

爾等欽哉

初任大理寺左評事

二任本寺左寺左寺副

三任直隸揚州府知府

四任江西布政司右布政使

五任河南布政司左布政使

六任都察院右副都御史 仍文從二品俸

七任本院左副都御史

八任南京刑部左侍郎

九任刑部左侍郎

十任南京戶部左侍郎

十一任都察院左副都御史

十二任本院右都御史

十三任南京都察院右都御史

十四任南京兵部尚書

十五任今職

制曰朝廷推恩於臣而必及其配者所以厚風化
之原重人倫之始也豈以存沒而有間哉爾兵
部尚書兼都察院左副都御史王恕故妻淑人

蓋氏克謹婦道以相其夫夫既顯榮而乃早歿
嘗因夫貴受褒贈矣夫今進秩特加贈爾為夫
人承此茂恩求賁幽壤

制曰國錫命於臣而必及其室家者所以厚恩義
也爾贈淑人張氏乃兵部尚書兼都察院左副
都御史王恕之繼室善相其夫而不求年嘗因
夫貴錫褒命矣夫今進官爾宜與偕特加贈為
夫人命服之華永光泉室

成化二十六年十月

加贈兵部尚書兼都察院左副都御史王
恕祖父母誥

奉

天承運

皇帝制曰國家於群臣克勤職業者咸推恩以進賁
其先而惟大臣榮及二代所以旌賢能示優異
也爾贈都察院左副都御史王惟真乃兵部尚
書兼都察院左副都御史恕之祖蓄德不耀垂
裕後昆致有賢孫躋于顯位揆厥所自宜錫褒
榮茲特加贈為資政大夫兵部尚書兼都察院
左副都御史服此休嘉昌于胤系

制曰朝廷簡賢能異之重任褒榮之典必及其

先所以伸勸獎之意也爾贈淑人張氏乃兵部尚書兼都察院左副都御史王恕之祖母善積于躬慶延丁後有孫登用為國大臣揆厥所從宜申恩命茲特加贈為夫人尚克敬承末庶爾後

贈 化 五年 五日

加贈兵部尚書兼都察院左副都御史王

恕父母誥

奉

天承運

皇帝制曰朕惟父教其子以盡職為忠子愛其親以

顯名為孝肆國家推恩大臣必有以體其為孝之心而彰夫為忠之教焉爾贈都察院左副都御史王仲智乃兵部尚書兼都察院左副都御史恕之父存心操行延譽鄉邦篤生賢嗣顯用于國子今進秩滿宜並榮封加贈為資政大夫兵部尚書兼都察院左副都御史冥靈有知服斯寵命

制曰揚名顯親孝子之至願也肆朝廷推恩必有以遂其顯揚之孝焉爾贈淑人周氏乃兵部尚書兼都察院左副都御史王恕之母柔婉惠慈

原全令德相夫教子著範閨門子既有遷秩之榮爾宜膺加恩之命茲特加贈為夫人尚寤敬承永光幽壤

成化十六年三月二十五日

太子少保吏部尚書王恕并妻誥命一道

奉

天

皇帝制曰朕惟官保穹秩異弼之任隆冢宰首卿統均之責重兼斯二職非老成宿望履正載明之臣曷可輕畀哉咨爾太子少保吏部尚書王恕器量宏偉問學優長蚤優秀於科繼育英於

翰苑擢官棘寺而刑每平反出守蕪城而政多撫字爰遷兩省之方伯迭等三職於都臺旬宣則治化聿興巡撫則威惠並著兼以卿佐之敷歷馴至司馬之超陞贊留務保南畿民賴寧謐馳封既除奸慝事累建明頃雖綸諭而歸其柰霖望尤切肆朕召居冢宰加以官保之秩而爾年德彌邵允愜具瞻之情考績既成寵恩宜錫茲特進階光祿大夫勲柱國用示眷遇之意於戲高爵厚祿所以待賢能一德純誠所以報君上惟寅恭以弘化理惟直亮以正銓衡懋乃勲

庸光我褒命欽哉

初任大理寺左評事

二任本寺左寺左寺副

三任直隸揚州府知府

四任江西布政司右布政使

五任河南布政司左布政使

六任都察院右副都御史 仍支從二品俸

七任本院左副都御史

八任南京刑部左侍郎

九任刑部左侍郎

十任南京戶部左侍郎

十一任都察院右副都御史

十二任本院右都御史

十三任南京都察院右都御史

十四任南京兵部尚書

十五任兵部尚書兼都察院左副都御史

十六任南京兵部尚書

十七任太子少保南京兵部尚書

十八任吏部尚書

十九任太子少保吏部尚書

制曰君有臣以經邦治功既美妻與夫為一體恩

數宜倍蓋欲彰彼此之賢故不因存沒而間

子太保吏部尚書王恕妻贈夫人蓋氏生自本

族嬪于名門淑慎德儀允宜奉先早偕夫貴中

帝永年恩典有常官加崇命茲特進贈為一品

夫人靈爽如存尚其敬服

制曰臣之效忠能有以報乎國則君之昭寵必有

及其家匪惟勸賢勞亦以嘉婦德也太子太

保吏部尚書王恕繼室贈夫人張氏女德之純

宗姻所譽良臣之配克相厥家期偕老於顯榮

胡弗延於壽社宜申命以貴歸全茲特進贈

為一品夫人垂耀無躬視斯休命

太子太保吏部尚書王恕曾祖母誥命

一道

奉

天承運

皇帝制曰積善之久者後必盛效勞之多者報必加

國有尚臣官至一品斯其善慶所自豈一再世

之積而恩典所及豈以沒世有聞哉太子太保

吏部尚書王恕曾祖母成名譽傳於父老儀刑

見於曾孫肆朕總統之初得有倚毗之託宜推
厥本以示褒旌茲特追贈為光祿大夫柱國太
子太保吏部尚書福澤所綏永昌嗣後

制曰天子推恩臣下必濟而及其三代者固以褒
勞績亦嘉念其世澤之遠也太子太保吏部尚
書王恕前曾祖母張氏孝慈兼備儀節闈門致
有孫曾顯庸于國慶源所自宜示褒崇茲特追
贈為一品夫人綸命淑加光爾泉室

制曰人之積善不惟在一時而尤至於久遠則天
之錫慶匪直在其子而必及於孫曾天既不爽

於報施朕當旌異其所自太子太保吏部尚書
王恕曾祖母張氏婦道母儀聞于鄉黨

慶發於孫曾國有寵章用管前勲茲特追贈

一品夫人服此休嘉顯榮無斁弘治二十一年

太子太保吏部尚書王恕祖母張氏

道

奉

天承運

皇帝制曰國家令典大臣勞動於王事則君必推恩
以榮其祖考豈惟裕後而光前實欲顯忠於克

孝也贈兵部尚書兼都察院左副都御史王推
真乃太子太保吏部尚書王恕之祖隱居弗仕
篤行著聞餘慶所鍾實生良弼厥績既茂宜旌
所從今特加贈爾為光祿大夫柱國太子太保
吏部尚書冥澤有知服茲寵命

制曰為君欲其臣盡忠於國則必體其心而榮顯
其親肆國家制推恩之典以伸獎勵之意豈容
緩哉贈夫人張氏乃太子太保吏部尚書王恕
之祖母夙全令德作配善人垂裕賢孫為國良
佐慶澤所自命數宜頒茲特加贈為一品夫人

綸紵

之榮求慰冥漠

弘治三年十一月二十三日

太子太保吏部尚書王恕父母詔命

奉

天承運

皇帝制曰朝廷重任大臣以盡用賢之義必廣孝道
以遂顯親之心存沒雖殊恩典無間贈兵部尚
書兼都察院左副都御史王仲智乃太子太保
吏部尚書恕之父詩禮傳家林泉隱德生有賢
子出際明文為累朝練達之臣實本爾義方之
訓爰推所自用錫殊恩茲特加贈光祿大夫柱

國太子太保吏部尚書顯秩榮名永光幽隱垂
休委社賈裕後昆

制曰孝子愛親之心每切於既沒朝廷推恩之典
無異於生存故得荷綸綍之褒亦可紓風木之
感也贈夫人周氏乃太子太保吏部尚書王恕
之母孝敬有儀著稱閭閻劬勞鞠育成我爾臣
屢膺鸞誥之頒用答熙丸之助效特進爲一品
夫人溼恩所育泉室輝煌餘慶假鍾雲仍亨永

弘治二年十一月

兵科給事中王承裕繼嫡母誥

奉

天承運

皇帝制曰家道式等於主母倫理所關國恩特視乎
良人典章斯具蓋名之正者言必順意之美者
法必良顯茲繼嫡之賢亦與推封之命實緣子
貴特異常科爾文氏乃太子太保吏部尚書致
仕王恕之繼室兵科給事中承裕之繼嫡母眷
紱名家閨門懿範相夫有道著勲業于鈐曹推
下多恩播聲稱于宗敞眷惟令子榮陟諫垣肆
常布德之時懇上移封之請衷情可念恩典宜

推爰媿夫階特隆顯號是用封為一品夫人茂
膺翟弟之華益衍門閭之慶

治十二年

贈太師謚端毅王恕詔

奉

天承運

皇帝制曰人臣盡節罔以寵利居成功國家褒賢不

以存亡異恩典矧

累朝之耆舊為百辟之儀刑優閒久遂于垂車哀計

忍聞于易簣肆頒茂澤為掩前聞故致仕太子

太保吏部尚書王恕天為時生世推人望氣涵

剛大德秉直方錄甲科而有備詞垣歷廷評而

殫勞部牧兩布旬宣之政惠澤流行三檄巡撫

之禮風聲震動秋曹民署邦典肅而國計精都

憲夏初臺綱止而留務舉時方倚重身乃歸閒

運

先皇御極之初念老臣輔治之舊逢車趣召袞繡言

旋儲德弼諧豈但銓衡之是托君心感沃亦惟

藥石之攸資茂勳丕著于巖廊晚節復還於故

里觀難謀者天道而未諫者朕心起彥博九表

之餘空勞夢想歎魏微一鑑之失實切悼傷茲

贈納特達光祿大夫左柱國太師謚端毅於戲
告于家廟凜生氣之如存貴以綸章尚流光之
不泯爾靈有識朕命其歆正德三年六月

南京前軍都督府經歷司經歷王承祐并

妻誥

奉

天承運

皇帝

制曰國家設督府以領五軍雖專武職置幕官
以理庶務則用文資其寓意爲至深故用人所
宜慎爾南京前軍都督府經歷司經歷王承祐

乃太子太傅吏部尚書怒之子蚤承家學遂入
賢闕歷陞幕府之僚克謹簿書之職顧操脩之
罔玷屬上最之方書宜有厚恩用旌勞勩茲特
進爾階奉直大夫錫之誥命於戲國家頒爵賞
以勸士用徵名績之成人臣竭忠誠以事君勿
替始終之節勉遵庭訓光我命詞茲哉

初任南京右軍都督府經歷司都事

二任南京前軍都督府經歷司署經歷事

三任今職

制曰夫婦之際風化所先君臣之間恩禮攸在

既成夫伉儷名必與夫褒封南京前軍都督府
經歷司經歷王承枯妻劉孺人申氏柔嘉有則
敬順無違夙昭內助之勤已荷推恩之中顧夫
階之荐陟宜國典之載申茲特加封為宜人爰
被寵光並敦祇慎

弘治十年八月十一日

太僕寺少卿王承枯并妻誥命

奉

天承運

皇帝制曰國家脩馬政以壯本兵安攘是繫置卿寺
以領群牧長貳攸資必才行之俱優庶委任之

能副茲惟重選不輕授人爾太僕寺少卿王承
裕乃故太子太保吏部尚書贈特進光祿大夫
左柱國太師益端毅愨之子德器天成忠規自
守峻登甲第首列諫垣抗章輸獻紉之忱動闕
國體蓋事履獻為之志茂著賢勞官轉六等職
諭二紀肆陞太僕允穆師言內承勅以効忠營
風聲斯振外衝命以巡列鎮馬課式蕃嚴兵才
大器閱識高慮遠譽望久孚於中外保持三
於初終疇庸既邁乎常倫優錫且申乎厚典茲
特進爾階中憲大夫錫之誥命於戲才堪重任

已徵歷試之能官在明揚佇有超登之寵蓋以
爾業不繼家聲欽哉

初任兵科給事中

二任復除兵科給事中

三任吏科右給事中

四任刑科左給事中

五任吏科都給事中

六任復除吏科都給事中

七任今職

制曰君錄臣功錫命實隆於禮數婦從夫貴洪恩

無間於存亡况懿德之有聞在寵榮爲尤重去
關風化備載典章太僕寺少卿王承裕妻封孺
人張氏婉婉有儀祇勤靡忒秀鍾舊族德施名
流治內多勞早稱賢于宗鄉降年弗水竟闕美
於泉扃遺範具存卹恩已布顧夫階之存厥宜
國典之載申茲特贈爲恭人庶懿靈之有知服
休光於無斁

制曰婦職專於饋祀名不可虛君寵重於褒封禮
無容廢矧我能臣之配克禔內助之勞既越常
流宜承殊典太僕寺少卿王承裕繼室焦氏惠

和成性格謹從身夙奉姆儀克服圖箴之訓晚
從夫貴猶存荆布之風賢聲茂著于六媼褒寵
早膺手一命顧今四品復進崇階爰舉彝章載
申渙澤茲特封為恭人益敦祇慎于有終用副
嘉名于不替

德十年
初六日

封太僕寺少卿王承裕生母誥命

奉

天承運

皇帝制曰生育劬勞母德不殊於父褒封光顯君心
式體乎臣此倫理所當崇實風教所由繫典章

具載今古攸同爾封太孺人張氏乃故太子太
保吏部尚書贈特進光祿大夫左柱國太師謚
端毅王恕之副室今太僕寺少卿承裕之生母
性惟柔婉忘本堅貞中饋是勤夫既資其勞動
外言不入八罕見其儀容顧淑德備于慈闈肆
慶澤鍾于詰嗣蚤膺封命不改素風眷此卿
載申褒典恩惟從厚時豈云多茲特加封爲太
恭人康強無恙知天道之足徵光寵未涯尚家
規之允賴

正德十一年
正月初六日

河南南陽府裕州知州郝世家并妻誥命

奉

天水運

皇帝制曰州郡親民之政非按部者莫能詳朝廷錫命之榮或考績者所不與故法有定制而恩有特施凡沾旌異之名必在褒嘉之列爾河南南陽府裕州知州郝世家名登甲第篆領郡符愛民勤撫字之方持已慎操脩之節賢勞既積嘉譽用彰肆薦剡之交騰宜褒恩之顯畀茲特進爾階奉直大夫錫之誥命於戲治民莫先於獲上已徵名績之良善始尤貴乎保終庶竭猷爲之益議詞具在尚克祗承欽哉

制曰臣有事君之忠妻有從夫之義故錄賢勞於國必推寵命於家此今昔之所同豈存沒而有異河南南陽府裕州知州郝世家妻秦氏出自名門孀于良士閭儀祗肅德性柔嘉方資內助之勤遽違偕老之願爰因夫貴昭示國恩茲特贈爲宜人庶靈爽之有知服休光於無斃

制曰妻必有繼式隆饋祀之儀恩貴乎均肆及褒封之命茲惟典禮實體恒情河南南陽府裕州知州郝世家繼室張氏夙導姆訓繼配儒流雖

未躬荆布之勞亦克效蘋蘩之職閭儀既著褒封宜頒茲特封爲宜人服此嘉名益敦祗慎

十五年三月二十二日

河南南陽府裕州知州郝世家父母誥

奉

天奉運

皇帝制曰國家隆使臣之禮錄教子之功爵賞既加其身褒封必及其父義實通于今昔制不異于存亡爾郝瑋乃河南南陽府裕州知州世家之父梅跡論光讀書履吾教成令子功著侯邦考

慶澤之有徵實義方之遺訓宜頒卹典以慰孝思茲特贈爲奉直大夫河南南陽府裕州知州尚期神爽之昭益迓寵光之賁

制曰母德之成義實兼乎教育國恩之錫禮特重于褒崇肆緣報德之情誕示推恩之命彞倫攸繫國典具有爾惠氏乃河南南陽府裕州知州郝世家之母慈惠夙成儉勤兼至式嚴家訓茂著閭儀天錫遐齡克享康寧之福子登華秩宜申褒錫之榮茲特封爲太宜人服此寵名永

祿養

正德十五年三月二十二日

兵科給事中張原父母誥命

奉

天承運

皇訓曰朝廷簡賢任能以勵爲國之忠錫類推恩以遂爲子之孝此激勸之良法古今之常規也爾河南按察司按察使張曉乃兵科給事中原之詞執德有終沒有鄉賢之祀慶衍詩書之澤啓今近從之賢宜錫寵名用旌世德茲特贈爲通議大夫職如故服此明恩永光幽壤

制曰母以訓子爲慈子以顯親爲孝故國有大慶恩及群臣必念夫爲母者之勞而遂其爲子者之願焉爾封孺人程氏乃兵科給事中原之母克脩婦道夙著母儀訓成子以登庸弗永年於祿養慶澤當原其所自隆恩豈靳于既亡茲特贈爲淑人幽靈如在明命其歆嘉靖元年三月十五日

戶部右侍郎王承裕并妻誥命

奉
天承運

皇帝制曰朕惟今之戶部即古之地官生齒悉歸于版圖財賦式專于出納上關國計下涉民情必長貳之俱賢庶委畀爲不負每艱厥選今有其人咨爾戶部右侍郎王承裕乃故太子太保吏部尚書贈特進光祿大夫左柱國太師謚端毅恕之子家傳正學天賦偉才早濟美于甲科義馳聲于諫院兩遷太僕咸稱考牧之能再入奉

常克慎祀神之禮比從留署進擢戶曹舉士望以攸歸全輿情而乞協乃能勤勞體國夙夜在公理邦計以康兆民勲猷丕著守官箴而勵群屬職業並脩况歷事三朝荐踰十任寬弘簡靖足以止躁而鎮浮醇厚純誠足以任重而致遠朕心簡在嘉績來聞爰錫綸章以嚴寵數茲特進爾階通議大夫錫之誥命於戲呂公著望重百僚而希哲乃克承其後范仲淹功高一代而純仁亦不忝其先尚踵蹟于名賢益增光於成大諒能自勵笑頌訓詞欽哉

初任兵科給事中

二任復除本科給事中

三任吏科右給事中

四任刑科左給事中

五任吏科都給事中

六任復除本科都給事中

七任太僕寺少卿

八任本寺卿

九任南京太常寺卿

十任復除本寺卿

十一任戶部右侍郎總提督倉場

十二任今職

制曰易稱妻道與地道爲不殊傳醴群臣於大臣
爲益重顧乃國家之計並施伉儷之榮理則宜
然朕奚容悵戶部右侍郎王承裕妻贈恭人張
氏貞順內全坤柔外協出自之冠之貴歸于閨
闈之家提身允蹈乎規箴率下式勤乎饋祀光
生閨閫已一命之嘗沾音斷琴瑟竟九原之不
作夫階益峻家範猶存可無渥恩以示追卹茲
特加贈爲淑人嗚呼象服內朝雖弗逮一時之

寵龍章下音益以昭百世之芳

制曰治國之端始於家教秉彝之懿重在夫綱肆
惟內助之賢必預旁推之典後先罔間今昔攸
同戶部右侍郎王承裕繼封恭人焦氏生有
令姿繼歸名閨茂功言之具備慎禮度以無違
中間承芳早被絲綸之命內庭脩觀屢增冠帔
之華雖榮寵之未終實賢名之不泯宜施渥命
用慰幽靈茲特贈為淑人非惟貴立壠之光亦
以示閨門之式

嘉靖四十四年十月初四日

戶部右侍郎王承裕生母誥命

奉

天承運

皇帝制曰母能成子以孝為難必也

崇德報國為重眷此上

存沒雖殊寵恩弗異

子太保吏部尚書贈

師謚端毅王恕之貳室

母貞心玉潔淑質春

乎圖史持身以儉

篤况其禮嚴宗祀恒

施恩于不報篤生賢嗣力累家聲曩奏績於
先朝已推封於再命徽音茂著慈訓彌彰顧今九
列之崇階未幾三牲之至養感栝樅而抱痛澤
有未忘衍論輝以普澤清其必慰茲特贈為淑
人嗚呼懿行一音靡流傳于海永幽靈不昧尚
歆享于無窮

嘉靖四年
月四日

順天府治中張秉正并妻誥命

奉

入承運

皇帝制曰州郡之職號稱親民苟授任非人則民之

被其殃者衆矣矧京尹之佐其責爲尤重者乎
順天府治中張秉正領薦鄉闈儲才國學既而
授州牧擢郡丞並載賢聲用遷今職昔人所謂
別駕治中方展其驥足者也茲復奏績宜加寵
褒特進爾階奉政大夫錫之誥命爾其勉修職
業益勵材猷覲耿光而奮庸持素履而不變則
致遠到成駿功詐可量哉爰服新恩以須後命
制曰臣有事君之功妻有從夫之義故錄賢勞于
國必推恩命于家此彝典之所崇亦人倫之至
願而不可必得者也爾賢氏乃順天府治中張

秉正之妻秀鍾良旌德媿譽髦做戒相成儉勤
自守故夫能舉于其職而爾之宜于其家可知
矣宜錫褒章用昭閭範茲特封爲宜人爾其服
茲寵榮益謹婦道以爲彝倫之勸欽哉

八月初

順天府治中張秉正父母誥命

奉

天承運

皇帝制曰旌獎賢能乃朝廷之令典表章親德亦人
子之至情矧予畿輔之臣久著勤勞之績者乎

爾張鏞乃順天府治中秉正之父雅樸不華安
恬自守肆成令子早掇賢科宦化承流方揚休
于京郡推恩錫類宜垂耀于泉扃茲特贈爲奉
政大夫順天府治中爾爽如存服此寵命

制曰母氏幼勞義兼教育國家寵數禮重褒崇肆
緣報本之心誕錫貶封之命然非婦儀母德克
備無虧曷稱茲榮名乎爾梁氏乃順天府治中
秉正之母資性端良軌範整肅相夫治內賢聲
播于鄉閭教子入官嘉績成于京府顧其國恩
未逮而祿弗沾寔可憫焉茲特贈爲宜人九原

有知庶慰幽爽嘉靖六年十月初八日

光祿寺卿馬理并妻誥命

奉

天承運

皇帝制曰朕以元良衍慶霽澤寰區九厥群工咸備
褒典矧乃卿曹之長朕所簡注者乎咨爾光祿
寺卿馬理蔚以甲科之考踐駁兩都有令譽焉
頃者采之僉言進居今任乃能庶慎率屬懋脩
厥職朕用爾嘉茲特進爾階中大夫錫之誥命
爾尚益竭乃心勵乃行副朕簡賢圖治之懷爾

惟欽哉

初任吏部稽勳清吏司主事

二任本部考功清吏司主事

三任本部稽勳清吏司員外郎

四任本部文選清吏司員外郎

五任本部稽勳清吏司郎中

六任本部考功清吏司郎中

七任南京通政使司右通政

八任今職

制曰朝廷褒錫群臣爰及厥配實以勞悴相感

石通顯故於其沒恩罔遺馬爾光祿寺卿馬理妻
贈安人姜氏配德君子弗克借老可無卹典以
旌往勞茲特贈淑人克承殊寵尚慰幽泉

制曰古者禮重宗婦室必有繼故褒卹之典均宜
逮焉爾光祿寺卿馬理繼室封安人楊氏繼歸
名門動遵內則命之不淑胡爾云亡茲特贈淑
人諒爾有知歆予時命

嘉靖十二年
九月初六日

光祿寺卿馬理父母誥命

奉

天承運

皇帝制曰惟天福善惟君爵賢生子而賢是之謂福
國有爵命亦終及之所以昭慶源勵世教也爾
贈承德郎吏部考功清吏司主事馬江乃光祿
寺卿理之父早承義方克敦行誼始終全譽孚
于鄉邦厥所積培發祥乃嗣方以才望爲國名
卿載錫寵章增耀泉下天之篤錫善人有若此
哉茲特加贈中大夫光祿寺卿潛行既昭永垂
不朽

制曰國家誕敷恩命褒勸忠良故必體其顯親之
志生有封沒不有贈蓋著典也爾封太安人劉氏

乃光祿寺卿馬理之嫡母相夫治內克裕乃家訓子有成効勞于國褒章卹命哀崇備之孫爾之賢不有微于是乎茲特贈爲淑人其慰徃靈永綏來裔

制曰母之賢於子微之惟子貴而養不逮乃人情之至切者非有卹命曷慰孝思爾贈安人李氏乃光祿寺卿馬理之生母茂著母儀克成賢嗣養雖弗逮名則永昭茲特加贈爲淑人惟爾有

知歆于特命

嘉靖十二年九月初六日

光祿寺卿馬理祖父母誥命

奉

天子運

皇帝制曰朕稽諸舊典優禮大臣視品推恩養及二代重本源示勸戒也爾馬貴乃光祿寺卿理之祖父學業該通孝行純篤鄉稱長者人無間言是以積有慶源發于再世眷子良辟實爾賢孫推厥所由宜隆卹命茲特贈爾中大夫光祿寺卿精爽有知歆承無斁

制曰秉德啓祿是惟祖功追卹之命位儷并焉禮也爾張氏乃光祿寺卿馬理之祖母生有淑安

歸于善士力本樹業勸劬備嘗昏至爾孫躋位
崇顯光前啓後遂大厥門斯爾之遺澤可泯哉
茲特贈爲淑人冥漢有聞服茲休寵

嘉靖十二年九月初

工部都水清吏司郎中秦鎬并妻誥

奉

天承運

皇帝制曰朕以元嗣誕祥覃恩宇內凡爾百辟咸被

寵褒所以廣恩渥均休慶也爾工部都水清吏

司郎中秦鎬蔚以甲科之彥歷宦滋久令譽日

聞頃者進遷今任而勤慎弗渝懋脩厥職朕甚
嘉之茲特授爾階奉政大夫錫之誥命爾其益
展才猷以收明績國家優異之寵寧爾斯哉

初任浙江紹興府蕭山縣知縣

二任南京戶部廣西清吏司主事

三任工部營繕清吏司署員外郎事主事

四任本部都水清吏司署郎中事主事

五任今職

制曰國家因夫以貴其妻存攸罔間重齊體之義
也爾工部都水清吏司郎中秦鎬妻封安人尼

氏配德名士克相厥成乃今華顯爾弗及待非命使然與茲特贈宜人尚其祇飲服此休渥

制曰君推恩於臣而婦從貴於夫孰大倫嘉內治

也爾工部都水清吏司郎中秦鎬繼室邢氏出

自名閥繼歸賢夫夫宦彌久益著聲績惟爾賢

攸賴茲特封爲宜人茂服恩徽益勤儉戒嘉靖十二年九月

十二月

工部都水清吏司郎中秦鎬父母誥命

奉

天承運

皇帝制曰國家褒錫臣下必追責其所生昭慶源屬

世教也爾贈承德郎南京戶部廣西清吏司主

事秦仲學乃工部都水清吏司郎中鎬之父孝

友忠信名孚鄉邦夙好詩書訓成令子方以才

識佐我工曹載錫綸章用增耀于不朽茲特贈

奉政大夫工部都水清吏司郎中於赫寵靈未

慰幽壤

制曰生之惟父育之則母匪均敷錫何以隆罔極

之報乎爾贈安人馬氏乃工部都水清吏司郎

中秦鎬之母躬全淑行茂著母儀有子能官足

徵慈訓爰加卹典用勵顯揚茲特遣宜人懿靈
不昧敬茲茂恩

嘉靖二十一年九月十二日

重修三原志卷之八

毘陵後學朱昱忍易纂輯

國子祭酒晉陵王慎廷貴校正

勅命

戶部廣西清吏司主事張鶴勅

奉

天承運

皇帝勅曰戶部司養民之政其任匪輕故置屬詳於
諸部苟非其人曷稱厥職爾承德郎戶部廣西
清吏司主事張鶴擢自胥監為屬地官克效勞

勤以舉其職茲特錫之勅命以示褒嘉夫朕董
正治官以責庶務之實爾益懋庶慎以俟顯陟

之榮母怠朕命其往欽哉

洪熙元年五月八日

封戶部廣西清吏司主事張鶴父勅

奉

天承運

皇帝勅曰為臣能勤於職務國家既有以褒榮之而
復推恩及其親者所以博本始而為天下之為
父母者勸也爾張鑄乃戶部廣西清吏司主事
張鶴之父積善毓慶致有令子為國之用茲特

封爾為承德郎戶部廣西清吏司主事張此隆

恩永綏祿養益勤祇慎光我命詞欽哉

洪熙元年五月

勅

封戶部廣西清吏司主事張鶴母勅

奉

勅曰國家制推恩之典以寵任事之臣其能盡
心於職務者則必榮及其親所以示嘉褒而勵
忠孝也爾戶部廣西清吏司主事張鶴母康氏
恩惠善柔著于閨闈用生令子克舉其官茲特

封爾為安人祇服榮恩益隆壽祿洪熙元年五月

封戶部廣西清吏司主事張鶴妻勅

奉

勅曰朕惟人臣克效勞於國者雖本於父母盖
亦有伉儷內助之力也故推恩之典必及之爾
戶部廣西清吏司主事張鶴妻呂氏克盡婦道
以相其夫致能盡心於所職茲特封爾為安人
服此榮恩永光閨闈欽哉洪熙元年五月

江西道監察御史申春初

奉

天承運

皇帝勅曰朝廷設監察御史欲其振紀綱而屬風俗

以成國家之治非得剛方清直之士曷克稱
茲爾文林郎行在江西道監察御史申春發身
上庠擢司憲紀洵歷年歲克舉其官是用錫之
勅命以示褒嘉夫官以察為名以言為職在明
大體而略細故在愛君子而戒小人其益端爾
志益堅爾守毋私于法毋撓于勢毋訐以為直
毋苛以為能明以燭之公以行之懋修而不備

尚有顯音以待爾成欽哉

初任行在福建道監察御史

今任行在江西道監察御史

宣德二年七月十三日

贈江西道監察御史申春父勅

奉

天承運

皇帝勅曰朕惟爲人子者孰不欲顯揚其親故子之賢而能宣力效職者朝廷必推恩以報之所以遂其顯親之心而勸天下之爲孝者也爾江西道監察御史申春故父申伯恭善積于躬慶延

于後是致有子效用於特推厥本原宜錫褒顯

今贈爾爲文林郎江西道監察御史靈爽不昧

尚克承之

宣德二年七月十三日

封江西道監察御史申春母勅

奉

天承運

皇帝勅曰國家制推恩之典以寵任事之臣其能盡心於職務者則必榮及其親所以示嘉褒而勵忠孝也爾江西道監察御史申春母王氏克勤毋道訓成厥子爲國之用今特封爾爲太孺人

祇服榮恩益隆壽祿

宣德二年七月十三日

封江西道監察御史申春妻勅

奉

天承運

皇帝勅曰朕惟人臣克效勞於國者雖本於父母蓋亦有抗麗內助之力也故推恩之典必及之爾文林郎江西道監察御史申春妻俱氏克謹婦道以相其夫致能盡心於所職茲特封爾為孺人服此榮恩永光閨闈欽哉宣德二年七月十三日

行在大理寺左寺左評事吳研勅

奉

天承運

皇帝勅曰大理古廷尉之職所以平天下之刑其卿佐朕自擇之至於其屬之長貳所以參贊其事者亦皆慎選不輕畀人爾文林郎行在大理寺左寺左評事吳研擢自胃監授以斯職荐歷年歲克稱其官是用錫之勅命以示褒榮夫聽訟決獄雖各有所司而平其輕重使協於中乃汝贊理之職也徃益懋修以需顯庸欽哉宣德二年七月十三日

贈行在大理寺左寺左評事吳研父勅

奉

天承運

皇帝勅曰爲臣能勤於事上國家既有以褒榮之而復推恩及其親者所以悖本始而示崇勸之道也爾行在大理寺左寺左評事吳研故父榮慶鍾厥子而祿養不逮揆其所自宜有顯褒今特贈爾爲文林郎行在大理寺左寺左評事靈其不味尚克承之

宣德五年八月二十四日

贈行在大理寺左寺左評事吳研母勅

奉

天承運

皇帝勅曰朕惟人子之才雖本於父而資於母德亦深矣故國家推恩臣下存則有褒榮之命歿亦有追贈之典焉爾蓋氏乃行在大理寺左寺左評事吳研之母有子能官而不逮養宜有褒贈以示異恩茲特贈爾爲孺人靈其欲承末賞

懷德五年八月二十四日

封行在大理寺左寺左評事吳研妻勅

奉

天承運

皇帝勅曰朕惟人臣克效勞於國者雖本於父母蓋亦有內助之力焉故推恩之典必及之爾行在大理寺左寺左評事吳研妻趙氏克相其夫俾修厥職茲特封爾為孺人服此榮恩永光闈闈欽哉膺德五年八月

鴻臚寺序班党智勅

奉

天承運

皇帝勅曰鴻臚寺之設所以典掌禮儀卿佐之選固

難其人而儼贊之職亦不輕畀爾鴻臚寺序班党智發身胄監擢職於斯效勞有年宜加恩典是用授爾階為登仕佐郎錫之勅命其益慎爾儀脩爾職必勤必懋以稱朕意欽哉正統十一年七月

鴻臚寺序班趙和勅

奉

天承運

皇帝勅曰鴻臚寺之設所以典掌禮儀卿佐之選固難而居儼贊之職者亦不輕畀爾鴻臚寺序班

趙和發身胄監擢任斯職歷年既久考績惟稱
是用授爾階登仕佐郎錫之勅命以為身榮
其益盡乃心勤於夙夜以稱任用之意欽哉

五年
五月九日

封都察院右副都御史王恕父母勅

奉

天承運

皇帝勅曰朕惟人子之孝皆欲顯其親故群臣之任
職者必有推恩之命所以體其心而勸孝也爾
王仲智乃原任大理寺左寺左評事今任都察

院右副都御史恕之父晦迹立園博德履善克
成令子為國之用秩雖存躋於三品恩猶未及
於二親顧此賢勞所宜褒答茲特封爾為文林
郎大理寺左寺左評事爾其欽承益綿壽祉

勅曰朝廷之於臣下嘉其有勞勩者必推恩以褒榮
其親所以為天下之為父母者勩也爾周氏乃
原任大理寺左寺左評事今任都察院右副都
御史恕之母端靜慈惠克敦母道篤生令子致
勞于國推原所自宜錫褒榮特封爾為孺人朕
此茂恩永綏祿養

成化元年
月初七日

河南開封府鄆陵縣知縣焦珪并妻勅

奉

天承運

皇帝勅曰民牧之責莫切於縣令匪得公廉豈第之士曷克稱焉爾河南開封府鄆陵縣知縣焦珪發身胷監擢任斯職歷年滋久克慎且勤宣錫寵恩以旌勞勩是用進爾階文林郎錫之勅命以爲爾榮其益盡心毋怠厥職稱朕任用之意欽哉

勅曰夫婦人倫之始故朝廷推恩臣下命必及之所

以重風化厚恩意也爾河南開封府鄆陵縣知縣焦珪妻高氏克謹婦道以相其夫致能盡心於所職茲特封爲孺人服此榮恩永光閨閫

行年九月

贈河南開封府鄆陵縣知縣焦珪父母勅

奉

天承運

皇帝勅曰國家推恩臣下必及其親者所以重本而勸孝也而何間於存沒哉爾河南開封府鄆陵縣知縣焦珪父文貴慶鍾厥子積善乃遠播其

所自官隆卹典茲特贈為文林郎河南開封府
鄆陵縣知縣九泉有知服此寵命

勅曰朕惟群臣之才者固本於父訓亦必資母德焉
存有褒沒有贈此國家之令典也爾河南開封
府鄆陵縣知縣張母譚氏有子能官而不逮
養濟惟所自宜有寵褒茲特贈為孺人尚克欽

承未賁幽壤

成化十年九月十二日

湖廣道監察御史梁澤并妻勅

奉

天承運

皇帝勅曰朝廷設監察御史欲其振風紀舉憲綱激
濁揚清以弼成國家之治也非得廉慎剛明之
士曷克稱焉爾湖廣道監察御史梁澤發身賢
科進學翰苑擢茲要職茂著激揚宜錫寵恩以
旌勞勩是用進爾附文材郎錫之勅命以為爾
榮夫官以察為名以言為職在明大體而畧細
故扶君子而抑小人毋私于法毋撓于勢毋計
以為直毋苛以為能懋修不懈毋忝訓詞欽哉
勅曰朝廷推恩群臣而必及其配者所以示從夫之
義彰內助之賢也爾湖廣道監察御史梁澤妻

賈氏克勸婦道善相其夫夫既顯榮爾宜備黃
茲特封為孺人服此榮恩永光閨闈

封贈湖廣道監察御史梁澤父母勅

奉

天承運

皇帝勅曰朝廷任用才能以勵大臣之忠因推恩典
以遂夫子之孝雖親有存沒之間而命未嘗不
均及之蓋厚倫重本之道也爾梁祀乃湖廣道
監察御史澤之父博德履善延譽鄉邦訓子登
庸居官勤慎祿養既違恩典宜錫茲特贈爾為

文林郎湖廣道監察御史九原有知服此寵命

勅曰母以訓子為慈子以顯親為孝肆朝廷推恩臣

下必有褒崇之典馬爾孟氏乃湖廣道監察御

史梁澤之母慈惠之善著于閨門訓子登庸居

官稱任茲特封為太孺人服此隆恩永綏祿養

江西道監察御史張曉并妻勅命

奉

天承運

皇帝勅曰朝廷設監察御史欲其明邦憲以正紀綱

糾官邪以勸風俗其任可謂重且要矣必得
方直亮之士乃克稱焉爾江西道監察御史張
曉發身賢科出宰大邑歷年滋久惠愛及民迨
進風紀之官茂著激揚之譽宜錫恩寵以旌爾
勞是用進爾階文林郎錫之初命以為爾榮夫
官以察為名以言為職在略細故而存大體扶
君子而抑小人爾尚益正乃心益潔乃行毋私
于法毋撓于勢毋訐以為直毋可以為能夙夜
懋修用光寵命欽哉

初任襄垣縣知縣

二任今職

勅曰朝廷推恩群臣而必及其配者所以示從夫之

義彰內助之勤也爾江西道監察御史張曉妻
程氏恪敦婦道善相其丈夫既顯榮爾宜借貴

茲特封為孺人服此榮恩永光闔閭成化十八年
十二月十三日

江西道監察御史張曉父母勅命

奉

天承運

皇帝勅曰朝廷任用才能而必遂其顯親之心雖親
有存沒之間而恩典未嘗不均及也爾張果乃
江西道監察御史曉之父夙有德善延譽鄉鄰

訓子登科居官稱任雖祿養之不逮宜恩典之
有推茲特贈爾爲文林郎江西道監察御史九
原有知服斯寵命

勅曰母之慈恒篤於訓子子之孝必至於顯親肆朝
廷推恩臣下必彰夫訓子之勞而遂其顯親之
願焉爾竹氏乃江西道監察御史張曉之母婦
道既敦母儀夙著是生令子效用于時推厥本
源宜隆恩典茲特封爾爲人孺人服此茂恩未

緩祿養

成化十八年
三月十三日

崇府奉祠所奉祠副李進勅

奉

天承運

皇帝勅曰朝廷於王國設長史司以專輔導而置屬
尤詳職雖不同必皆擇人以處之崇府奉祠所
奉祠副李進發身曾監權任斯職歷并既久式
克慎勤是用進爾階脩職佐郎錫之勅命爾益
盡乃心脩乃職相其祀事而謹於禮焉則爾爲
能稱矣

奉

中兵馬指揮司副指揮趙艾并妻勅命

天承運

皇帝勅曰京師天下之都會故置官察視巡邏所以
摧奸宄而佑良善也爾中兵馬指揮司副指揮
趙文發身胄監摧任令官歷歲滋深克勤且慎
是用進爾階文林郎錫之勅命以爲爾榮其益
盡心毋怠厥職欽哉

勅曰夫婦人之大倫故朝廷推恩群臣命必及之爾
中兵馬指揮司副指揮趙文妻秦氏克脩婦道
以相其夫茲特封爲孺人服此榮恩永光閨闈

戒牒二十五年

封中兵馬指揮司副指揮趙文父母勅命

奉

天承運

皇帝勅曰國家推恩臣下必及其親者所以重本而
勸孝也而何間於存養哉爾趙讓乃中兵馬指
揮司副指揮文之父慶澤所鍾訓成厥子予今
顯用而乃云歿推原其本卹典宜申茲特贈爾
爲文林郎中兵馬指揮司副指揮允原有知服
斯寵命

勅曰朕惟群臣之才者固本於父訓亦必資母德焉

存存褒沒有贈此國家之令典也爾程氏乃中
兵馬指揮司副指揮趙艾之母有子能官由爾
訓育揆其所自恩命宜申茲特贈為孺人尚克
承之永賁幽壤

勅曰立身揚名以顯父母者人子之願也况繼母如
母朝廷推恩之典宜均及之爾楊氏乃中兵馬
指揮司副指揮趙艾之繼母有子能官由爾善
訓茲特封為太孺人服此茂恩永綏祿養成化
年十二月

駙騎右衛經歷張尚文并妻勅命

奉

天承運

皇帝勅曰國家衆設兵衛以分此軍政世襲武臣以
處長貳而其幕職則必得儒流乃克有濟爾驍
騎右衛經歷司經歷張尚文釋褐成均綜理衛
幕經年既久勤慎可嘉是用進爾階徵仕郎
之勅命以為爾榮其益盡乃心毋忘厥職

勅曰夫婦人倫之始故朝廷推恩群臣命必及之爾
駙騎右衛經歷司經歷張尚文妻董氏克敦婦
道以相其夫夫既顯榮爾宜偕貴茲特封爾為

三原志卷之六
孺人祗服榮恩未先聞聞成批二十七時十
封贈驍騎右衛經歷張尚文父母勅

奉

天承運

皇帝勅曰父之教子期于成立子之孝親志于顯揚
肆朝廷推恩臣下必體其盡孝之心而酬其善
教之功也爾張鳳乃驍騎右衛經歷司經歷張
尚文之父慶鍾厥子效用于時宜有榮名以旌
所本茲特封爾為徵仕郎驍騎右衛經歷司經
歷服此休嘉益綿壽祉

勅曰孝子之愛親也靡不有存歿之間故朝廷推恩
臣下命必及之所以體其心而重大倫也爾李
氏乃驍騎右衛經歷司經歷張尚文之嫡母有
子能官祿不逮養揆厥源本卹典宜頒茲特贈
爾為孺人尚克歆承用賁泉室

勅曰母以子貴古之道也我國家制令典以勸百官
故推恩必及其所生焉爾常氏乃驍騎右衛歷
歷司經歷張尚文之生母有子效用勤於厥職
皆爾善訓所致茲特封爾為孺人尚克承之末
綏祿卷成化二十三年十一月二十七日

太醫院御醫張徵勅

奉

天承運

皇帝勅曰太醫院之設御醫所以審方製劑供事禁
庭而盡保和之妙者也自非脉理素精家學有
自曷克稱焉爾太醫院御醫張徵明於醫道擢
任是官克效勤勞用彰善譽是用進爾階備職
郎錫之勅命以爲爾榮爾尚益精乃術恒乃心
以稱任用朕特稽爾之成效欽哉城地肝三降

南京右軍都督府都事王承枯并妻勅命

奉

天承運

皇帝勅曰國家設都督府以總軍政長貳皆屢以勲
臣至於協贊幕司者亦必得端慎勤敏之士乃
克稱焉爾南京右軍都督府經歷司都事王承
枯乃太子太保吏部尚書恕之子蚤承庭訓發
迹賢關擢任今官銳志克脩於職務歷有年歲
持身益篤於慎勤宜錫褒恩以旌勞勩是用進
爾階文林郎賜之勅命以爲爾榮爾尚思奮勵

期無替於初心恪守訓詞庶克臻於遠大欽哉

勅曰朕惟人臣能効勞於國家而褒榮之命必及其

配者蓋以敦風化之始而嘉內助之賢也爾南

京右軍都督府經歷司都事王承祐妻申氏柔

儀淑行著範閨門善相其夫居官弗懈寵恩宜

錫懿德斯旌茲特封為孺人服此明綸益崇祗

慎躬弘治四年十二月十一日

順天府通判王承祥并妻勅命

奉

天承運

皇帝勅曰京師首善之地府治實隆通判別駕之官

事權亦重必行能之兼茂斯名績為有成匪慎

選掄孰堪委畀爾順天府通判王承祥乃致仕

太子太保吏部尚書恕之子家傳詩禮世濟衣

冠比釋褐下成均遂擢居于今秩憂勤佐政載

殫民務之勞清白持身恪守官箴之戒歷年寢

久著績良多可無寵名以示褒勸茲特進爾階

承德即錫之勅命於戲奉公盡職期不負於國

恩諱始保終尚勉遵於庭訓崇階具在後效宜

鑒欽哉

初任順天府通判裁革

二任復除本府通判

三任病痊復任本職

勅曰夫婦有齊體之義倫理所關朝廷有並命之榮禮文攸具况乃賢能之配可無推錫之恩順天府通判王承祥妻韓氏德性柔嘉言容謹飭出自名族歸于宦門儆戒相成克守圖箴之訓儉勤自勵聿成閨闈之儀百錫褒恩以旌賢淑茲特封爲安人益敦祗慎用副嘉名

正德三年三月二十

山東道監察御史李伸并妻勅命

奉

天承運

皇帝勅曰朝廷置風憲之職以監察爲名內肅百僚外巡群服於事未始不得預於言無所不得陳顧責任之甚艱肆班行之特重匪資才雋曷稱簡求爾山東道監察御史李伸天賦英資人稱遠器蚤登甲第旋領邑符守已愛民善政屢騰于薦剡疇庸進秩清班遂列于憲臺抗章輸獻納之忱動開國體按部展激揚之志不振風聲矧

隨事而效勞每奉公而守法屬當大慶肇舉章預加褒錫之恩矣俟陟明之考茲特進爾階文林即賜之勅命於戲天下之曲直皆繫蓋評庶政之弛張必先憲體尚勵堅貞之節益弘遠大之規欽哉

初任山西平陽府臨汾縣知縣

二任山東道試監察御史

三任今職

勅曰婦專饋祀儀刑不出于閨門國重褒封寵命必均于伉儷况乃賢能之配可無推錫之恩山

周詳性質純

志不違於姆

道既脩履章宜

為孺人尚殫主

十二

勅命

勅曰父以教忠為本
榜在顯揚此倫理
以養志為孝
所由繫典章

具在禮數宜隆爾監生李晤乃山東道監察御史仲之父篤厚存心寬平待物業工經術名起賢關顧義方之訓素切于家庭肆令子之才登于臺憲躬逢慶典顯就朝封雖效用未遂其初心而褒寵式隆于晚節福惟自致恩豈徒施茲特封為文林郎山東道監察御史遠貽祿之光益享桑榆之樂

勅曰母氏劬勞義實兼乎教育朝廷寵數禮特重于褒封肆緣報本之心誕示追崇之命亦惟有德始稱厥名爾薛氏乃山東道監察御史李仲

之母性惟勤儉行特端莊秉正道以相夫聲馳胄監佐義方以訓子榮陟憲臺顧鼎釜之養既違而風水之懷彌切宜頒卹典以慰孝思茲特贈為孺人庶其未泯之靈歆此至優之渥

勅曰生有以壯均沾繼母之恩固有典章特厚推封之命蓋禮則緣義而起故恩必以類而推在古則然于今奚怪爾維氏乃山東道監察御史李伸之繼母夙奉姆儀晚歸士族端嚴有則敬戒毋違顧茲致用之才亦爾育成之力康強無恙方隆祿養之儀光顯惟新宜示褒崇之命茲

特封爲孺人茂膺冠帔之華安享庭闈之樂

六年十一月十三日

戶部貴州清吏司主事秦偉并妻勅命

奉

天承運

皇帝勅曰卿分六職地曹總邦計之權屬列諸司主事佐即官之政必才行之兼茂斯名績爲有成匪慎簡求孰堪委畀爾戶部貴州清吏司主事秦偉天賦英資人稱遠器起家儒業拔儔賢科首擢屬于民曹兩分司于邦賦出納精詳而事

無弗舉操持清慎而動罔或愆屬慶賚之弘敷念賢勞之夕積特加褒寵奚俟陟明是用進爾階承德即錫之勅命於職居官以盡職爲良已徵嘉績保譽以求終爲善勿替初心尚有崇階以需來效欽哉

勅曰婦專饋祀儀刑不出於閨門國重褒封寵命必均於伉儷况乃賢能之配可無推錫之恩戶部貴州清吏司主事秦偉妻賈氏儀度周詳性資婉嫕秀鍾舊族德躋英流禮義相成志不違於姆訓儉勤自勵動必協於家規婦道既脩

章宜錫用旌內助或擢中閤茲特封爲安人尚
敦祇慎之風益迓駢蕃之寵

正德七年三月二十三日

戶部貴州清吏司主事秦偉父母勅命

表

天承運

皇帝勅曰旌獎賢能乃朝廷之著典表章先德亦人
子之至情顧惟世宦之良克廣家傳之業雖推
恩命奚問存亡爾故直隸海州通濟倉副使秦
敏乃戶部貴州清吏司主事偉之父早窺儒書
旋工律學守官清慎莅事勤簡惟賢周窮播賢

譽于里鄙孝親躬長篤倫理于家處者惟令子
之多才實出義方之遺訓甲科擢第外署登庸
爰推錫類之仁用舉治宗之典茲特賜爲承德
郎戶部貴州清吏司主事惟徒發潛德之元亦
以慰終身之慕

勅曰母德無乎教有與父實均心能重行是封
臣是勸况乃卽曹之緒也微慈化之及恩所
加幽明罔間爾王氏乃口卽口卽貴州清吏司主事
秦偉之母仁里遺風善人良配進情美行特
端莊躬績紡以持家備極勞勩厥謀皆成子

弗際顯榮顧格棖之澤猶存而風亦之味猶切
宜頒卹典以慰孝思茲特贈為安人金墓壹之
有知服休光於無斁

勅曰繼母有教育之德不異於孝朝廷有褒錫之
恩實均榮貴禮文似重司風教之所謂典式具
存實隸僉之當厚爾楊以乃尸其責其清吏司
主事秦偉之繼母崇資而情毓德慈良儆戒從
夫心克勤寸內助賢明子思實同予所生顧
祿養之方隆屬慈齡之小爰爰舉推恩之典用
伸報德之情茲特封為太安人茂膺冠幘之華

益享庭闈之樂 正德七年三月

都察院照磨所檢校宗厚勅命

奉

天承運

皇帝勅曰惟憲臺之屬有檢校之官所以稽考之移
駁正違繆欲副茲選亦必得人爾都察院照磨
所檢校宗厚儒業起家賢關釋褐首登銓籍遂
擢今官歷歲寔深效勞靡懈宜加恩典以示褒
榮茲特進爾階登仕郎錫之勅命爾其益脩乃
職益盡乃心用酬任使之榮以俟官階之陞欽

哉

正德六年二月初三日

吏科都給事中王承裕并更勅命

奉

天承運

皇帝勅曰董齊庶政六科之任極隆表正群僚都諫之官尤重公論攸託國體是關必才行之俱優庶職業之能舉茲惟遴選不輕授人爾吏科都給事中王承裕乃故太子太保吏部尚書贈特進光祿大夫左柱國太師謚端毅愨之子才識閎深性資謹厚紹一經之家學擅兩世之甲科

首登七誥之班克副三難之責愛君愛國忠忱備見於封章守法奉公直道每行於參駁荐經六任歷事兩朝顧義方素得於授簡之時肆行簡聿脩於登庸之日賢勞茂著慶典方行可無寵名以示褒勸茲特進爾階文林卽錫之勅命於戲是父是子已徵世澤於三槐惟孝惟廉庶振家聲於奕葉尚其自勵光我命詞欽哉

初任兵科給事中

二任復除本科給事中

三任吏科右給事中

四任刑科左給事中

五任吏科都給事中

六任復除今職

勅曰臣之事君小大惟其所用妻之妾質貴賤視其所從故家有輔佐之功則國有褒封之命實關風化備載彙章吏科都給事中王承裕妻張氏系自德門嬪于儒彥性惟貞靜行特端莊禮義從夫有儆戒相成之益儉勤率下無貴驕自恃之心婦道既備褒章宜錫用旌內助式輝中闈茲特封爲孺人尚敦順正之風益迓駢蕃之

寵正德八年三月一日

吏科都給事中王承裕生母物命

奉

天承運

皇帝勅曰母緣子貴彝倫式重于所生君錄臣功褒寵必酬其所厚典章具在行之有常風教是關得之者少亦惟有德始稱厥名爾張氏乃故太子太保吏部尚書贈特進光祿大夫左柱國太師謚端毅王恕之副室今吏科都給事中承裕之生母孝慈勤儉柔惠靜莊善相良人建穹勳於厥

廟愛均諸子遵遺範於家庭眷惟諫署之登庸
尤切官箴之訓誨化行宗邨望重戚媵慈齡寔
及乎八旬榮養方隆於五鼎爰舉推恩之典用
申報德之情茲特封爲太孺人夫君峻極之階
雖未同其品秩孝子顯揚之志尚有待於登崇
欽服寵名益綿壽祉

正德八年三月初一日

中書舍人王承祿并妻勅命

奉

天承運

皇帝勅曰國家置中書之官典外制之務階資清重

無統攝之嫌職業高華無書簿之冗必才行之
兼茂斯名績爲有成匪慎選掄孰堪委在爾中
書舍人王承祿乃故太子太保吏部尚書贈特
進光祿大夫左柱國太師謚端毅恕之子性資
謙厚襟度坦明發究儒書素致行檢念爾父位
極於上卿職專銓務故恩典錄及於後嗣養隆
禁垣供綸命而書翰惟勤守官箴而操持罔玷
歲年寢久勞勩良多最考既書寵褒宜示茲特
進爾階微仕卽錫之勅命於職虞廷之嚴考績
已明陟之足徵周書之重象賢庶休風之不替

益加怙懋光我命詞欽哉

勅曰臣有事君之功妻有從夫之義故錄賢勞
國必推龍命于家存漢鍾殊恩與則一中書
人王承祿妻仇氏出自名門歸于宦族閭儀祇
肅德性幽閑禮義相成方著宜家之美琴瑟中
斷竟違偕老之心宜有渥恩以申褒卹茲特贈
爲孺人庶懿靈之有知服休光于無斁正德十

十二月

贈吏部考功清吏司主事馬理父勅

奉

天承運

皇帝勅曰士之學先得于家而後成于庠序君之命
既寵其身而又及其庭闈蓋盡職者斯不忝其
所生而報功者亦不忘其所自茲惟令典匪曰
予私爾馬江乃吏部考功清吏司主事理之父
文非枝葉學有本根篤孝友于家庭化善良于
里黨儼澣不仕人稱靖節之風授受有徒世仰
河汾之化况遺經之訓素切于義方致嗣子之
賢豈成乎偉器名高甲第績重即曹爰頒優渥
之恩用勵顯揚之萃茲特贈爲承德郎吏部考

功司圭中嗚呼名列鄉祠並削賢於不朽慶
門闕衍後嗣之彌昌

勅曰男位外女位內父母同等臣事君子事父忠
孝一理故推恩之有式實稽古以爲規爰播
綸用酬慈訓爾劉氏乃吏部考功清吏司主事
理之嫡母性含貞順德協坤柔秉正道以相夫
克殫內助佐義方而成子不異所生况居官擢
清謹之稱用世待老成之學寵靈昭赫奕初頒一
命之華身享康強已屆九齡之壽允惟家慶昭
我國恩茲特封爲太安人嗚呼福稱人瑞諒天

道之足徵行備母儀寒家規之未賴

正德十四年七月二

十五

兵科給事中張原并妻勅命

奉

天承運

皇帝勅曰朕惟六科建署七品分官所以詳奏臚而
正愆違司諫言以達利害茲惟清要之地宜居
直諫之賢爾兵科給事中張原字度恆閩性資
端粹登名甲科列職諫倡獻忠言落遷卑職既
明公道旋復舊銜顧其才通夷險以皆賢行守

初終之一節宜頒錫命以示褒嘉茲特進爾階
微仕即錫之勅命於戲時惟新政方資耳目之
良用爾舊臣尚竭謨猷之美勉膺訓戒嗣有起
登欽哉

初任吏科給事中

二任貴州新添驛驛丞

三任今職

勅曰夫婦齊體恩典惟均此倫理之常經古今之
義也兵科給事中張原妻趙氏禮配儒流恪
脩婦道夫既有登庸之貴爾宜膺錫命之榮茲

特封爲孺人顯服鴻休未綏多福

元年五月

山東道監察御史張彥昇并妻勅命

奉

天承運

皇帝勅曰南京根本之地並置官僚內臺耳目之司

尤關國體所以除奸去慝直枉伸冤

闕廷議實通于廊廟茲惟慎選不遺授

山東道監察御史張彥昇

體國愛民善政夔騰于薦別備

陟于留臺抗章陳剴切之言

激揚之志丕振風聲外隨事而後舉每奉公而
守法勤當大慶肇舉尋章預加褒錫之恩矣俟
陟明之考茲特進爾階文林卽錫之初命於感
天下之曲直皆繫基評庶政之弛張必先惠體
尚懋已成之績益揚終譽之休欽哉

勅曰夫婦有齊體之美倫理所關朝廷有並命之
榮典章斯具顧風化莫先於閨闈舜國恩無間
于存亡南京山東道監察御史張彥臬妻吳氏
柔嘉維則淑慎有常秀鍾詩禮之家德媿衣冠
之彥方資內助顛非末年首斷瑟琴夙頌已純

于偕老寵頒綸綍卹恩可愴于追崇茲特贈為
孺人庶懿靈之有知服休光于無斃

勅曰室富有繼式隆饋祀之儀恩賚乎均肆及褒

封之命此國家之定制實閨闈之至榮南京山
東道監察御史張彥臬繼室王氏禮度祇嚴性
質柔婉夙遵姆訓繼配名流井白勤勞雖未躬
于家食蘋蘩孝敬亦克效于宗枋婦道既修棄
章宜錫用旌內助式耀中閨茲特封為孺人尚
敦祇慎之風益迓駢蕃之寵

嘉靖元年八月初五日

南京山東道監察御史張彥臬父母勅

奉

天承運

皇帝勅曰錫命勸功乃朝廷之令式推恩褒善亦人子之至情蓋忠本孝移而親由子顯典章具在倫理所關爾張琰乃南京山東道監察御史考杲之父孝友夙成儉勤兼至恩每施於宗黨名久著于鄉評顧義方懇切于家庭致令子蚤登乎甲第憲臺執法名動留都禮典推封光生門閥眷國恩之伊始見庭訓之有徵茲特封爲徵仕郎南京山東道監察御史遠增林壑之光益

享庭闈之樂

勅曰母之教育無異於父恩國之褒封特均乎寵命矧我賢臣之績足徵慈範之良既越常倫宜承殊典爾馮氏乃南京山東道監察御史張彥呆之母持身勤儉治內詳明相夫名播于族媿教子功成于臺憲顧栝樾之澤未泯而風木之感彌深宜示卹恩用昭徂懿茲特贈爲孺人麻淑靈之有知服休光於無斁勅曰繼母有教育之德不異劬勞朝廷有褒錫之恩實均乎貴彙倫攸繫典式具有爾吳氏乃南

京山東道監察御史張彥昇之繼母夙全懿行
繼配名門履歷濟用之才亦爾育成之力承顏
鼎釜方隆祿養之儀被命絲綸宜示褒嘉之寵
茲特封爲孺人顯服國恩益隆福祉嘉靖元年八月初五日

浙江道監察御史穆相并妻勅命

奉

天承運

皇帝勅曰朕惟御史爲吾耳目之官內以察百寮外
以澄郡縣非得公正哲肅之士苟足以勝其任

爾浙江道監察御史穆相關西俊彥早登賢科
嘗作牧東邦民稱父母既登憲臺愈樹風聲儀
矩重於朝端激揚震乎山岳所至而貪暴之妻
知懼幽隱之情必伸使官皆若斯朕復何慮茲
當考最宜有褒章特授爾爲文林郎即錫之勅命
嗚呼其益勵乃志勉圖汝終尚爾崇階用需後
效欽哉

初任山東沂水縣知縣

二任浙江道監察御史

勅曰士夫名行每資於內助之良故朝廷雅思群

臣必及其配浙江道監察御史穆相妻李氏
秀德門作嬪儒族克脩婦道善相其夫夫既進
階恩宜爾被茲特封爾爲儒人服茲旨命益慎

闕儀

嘉靖七年閏
八月十八日

浙江道監察御史穆相父母勅命

奉

天承運

皇帝勅曰凡仕於朝者皆足以顯其親况吾近侍
臣又非百執事比有才行克宜於是者可不崇
其所目爾穆相乃浙江道監察御史相之父隱

德丘園惇行孝弟介而難犯和而有容才藝過
人謙恭自處惠及貧弱風動鄉閭可謂賢矣且
教子有成官居峻秩沂惟爾德宜示褒榮茲特
封爾爲文林郎浙江道監察御史益敦行義光
我命辭

勅曰朕惟羣臣之才者雖本於父訓而資於母德
亦深矣故褒崇之典母與父均爾馮氏乃浙江
道監察御史穆相之母夙遵姆教禮配名門孝
於舅姑宜其家室順而能正婦道既敦慈而能
嚴母儀亦著子方顯於國爾宜貴於家茲特封

爾爲孺人服此休光益綿壽祉

嘉靖七年閏十月十八日

吏科給事中雒昂并妻勅命

奉

天承運

皇帝勅曰國家稽古建官置六科於禁中不以諫爲名官守言責實兼有之朕懼以非人爲憂爾吏科給事中雒昂奮由高第首列奉常乃茲簡掄入居禁密官箴允懋忠蓋著聞可無綸恩以示褒勸是用進爾階徵仕即錫之勅命爾尚盡聰明之實以資才視聽庶克裨于治道亦于爾職

無忝欽哉

勅曰夫婦爲人倫之首夫顯于朝婦貴于室理宜

然也爾吏科給事中雒昂妻張氏婦道之順徵

于相夫夫既顯榮爾宜偕貴是用特封爲孺人

祇服懋恩用昭闡範

嘉靖九年十一月二十日

吏科給事中雒昂父母勅命

奉

天承運

皇帝勅曰朕以祀典告成覃恩宇內凡通籍於朝者咸得推錫其所生重報本也爾雒昂乃吏科給

事巾昂之父隱德弗耀名著鄉評餘慶所鍾發
祥厥子方以才望爲國近臣肇錫寵章昭賁不
朽斯爾之義訓有足徵哉茲特贈爾爲徵仕郎
吏科給事中慰乃英魂服茲休命

勅曰賢才之興雖本諸父教而母德鞠育恩與父
倍故褒命均焉爾王氏乃吏科給事中維昂之
母躬全淑行爲範厥家訓子有成效勞官守宜
加卹命以昭爾功茲特贈爲孺人懿靈不昧享

此茂恩

嘉靖九年十一月二十日

南京戶部廣西清吏司主事秦鎬并妻勅

命

奉

天承運

皇帝勅曰朕惟戶部司國計理財用生民休戚繫焉

故置屬詳於他部非得其人曷克有濟爾南京
戶部廣西清吏司主事秦鎬發身甲第出宰侯
封屢被薦揚進遷今職勤能茂著令譽益彰宜
有渥恩以示褒勸茲特進爾階承德郎爾其益
盡乃心脩乃職以副朕足國裕民之懷欽哉

初任浙江紹興府蕭山縣知縣

任 今 職

勅曰朝廷敷錫群臣爰及厥配實惟內助之良有相成之道馬爾南京戶部廣西清吏司主事秦鎬妻晁氏恪修婦道克相其夫夫既登庸爾宜偕貴茲特封爲安人服此寵章益敦儆戒

嘉靖十一年

六月 初五日

南京戶部廣西清吏司主事秦鎬父母勅

奉

天 奉 運

皇帝勅曰朕以祀典告成覃恩宇內凡通籍於朝者咸得以推錫其所生重報本也爾秦仲學乃南京戶部廣西清吏司主事鎬之父善積乃躬克昌厥後篤生賢嗣力教有成位方顯榮而養弗逮宜錫綸命以慰孝思茲特贈爲承德郎南京戶部廣西清吏司主事靈其不昧尚克承之

勅曰母之賢於子微之故緣子貴母貴道也國有令典朕奚靳焉爾馬氏乃南京戶部廣西清吏司主事秦鎬之母夙敦慈孝克著壺儀訓子成名顯揚伊始茲特贈爲安人昭貴九原永綏奕

世

嘉靖十年六月

順天府通州寶坻縣知縣張元相并妻勅

命

奉

天承運

皇帝勅曰朝廷歸長民之托於縣令宗民休戚關

之微責攸重朕恒以得人為難爾屢天府通州

寶坻縣知縣張元相發身賢科作宰鉅邑政聲

昭著屢被薦揚茲特進爾階文林郎錫之初命

爾惟祗膺光訓益懋操脩咸行峻峙其罔爾負

欽哉

勅曰國家錫命羣臣必及其室家所以敦風化之

原也爾順天府通州寶坻縣知縣張元相妻趙

氏篤修婦道善相其夫夫既顯榮爾宜並貴茲

特封為孺人茂茂寵恩益敦做戒

順天府通州寶坻縣知縣張元相父母勅

奉

天承運

皇帝勅曰為人子者孰不欲顯揚其親然必能效職

于公家者乃夔推恩以報之所以體其心而勸

孝也爾張尚彬乃順天府通州寶坻縣知縣元相之父善積乃躬慶延獻于養雖不遠恩則宜顯茲特贈爲文林郎順天府通州寶坻縣知縣九原有知尚其服

勅曰賢才之興雖教之久而育之則母匪均敷錫何以隆罔極之報哉爾趙氏乃順天府通州寶坻縣知縣張元相之母篤生賢嗣顯用于時宜有隆恩以示追卹茲特贈爲孺人慈行未昭孝思良慰

嘉靖十二年六月十七日

皇帝

御名謹遣中書省管勾日桓致祭于

唐高祖皇帝之陵曩者有元失馭天下紛紛朕由此集衆平亂統一天下今已四年矣稽諸古典自堯舜繼天立極列聖相傳爲烝民主者陵各有在雖古千百餘載時君當脩祀之朕典百神之祀故遣官齎牲醴奠祭修陵

君靈不昧尚惟

歆饗

又

維洪武三十五年歲次壬午七月壬午朔十五

日丙申

皇帝謹遣道士趙善黎益初致祭于

唐高祖皇帝曰自古有天下功德及民者萬世

之祀我國家崇祀事昔

帝王厥有常典今朕遵承

祖訓奉

天征討即位之初永惟

聖帝明王陵寢所在不可不致敬是用齋幣牲醴以

祭惟

帝有治世之功有安民之德歷世雖遠神靈不忘其

尚默贊玄化乎佑甲民俾臻太平之福朕其敬

祀萬世無斁尚

饗

又

維永樂三年歲次乙酉八月甲子朔初十日癸

酉

皇帝遣耀州三原縣縣丞馬憲致祭于

唐高祖皇帝曰昔者奉

天明命相繼為君代

天理物撫育黔黎彝倫攸敘井井繩繩至今承之生

民多福思不忘而報特遣使齎捧香帛

命有司詣

陵致祭惟

帝英靈來歆來格尚

饗

又

維洪熙元年歲次乙巳二月辛丑朔十五日乙

卯

皇帝遣太常寺卿王勉致祭于

唐高祖皇帝曰惟

帝唐之令主有德有功被于生民光于簡冊予嗣位

之始率循典章祇遣廷臣敬修陵寢惟

帝歆鑒尚

饗

又

維宣德元年歲次丙午二月乙丑朔十一日乙

亥

皇帝遣吏科都給事中凌晏如致祭于

唐高祖皇帝曰惟

帝肇興唐室奠安生民功德之隆尤照後世茲于感

承天序謹用祭告尚

饗

又

維正統元年歲次丙辰二月丁卯朔十五日辛

巳

皇帝謹遣成安侯郭晟致祭于

唐高祖皇帝曰惟

帝濟時之艱有致治之功民用以寧予承大統謹用

祭告惟

帝饗之

又

維景泰元年歲次庚午閏正月丙午朔十五日

庚申

皇帝謹遣戶科給事中成章致祭于

唐高祖皇帝 文同正統元年二月

又

維天順元年歲次丁丑三月甲子朔越二日天

日辛卯

皇帝謹遣吏科給事中蕭斌致祭于

唐高祖皇帝曰惟

帝甲興炎祚再造邦家致知之功顯于永世祭于
正大位謹用祭

告尚

饗

又

維成化四年歲次戊子八月十八日乙巳

皇帝遣三原縣知縣吳方等致祭于

唐高祖皇帝

文同永樂三年八月

又

維弘治元年歲次戊申四月甲午朔初八日辛

丑

皇帝謹遣成安伯郭鏡致祭于

唐高祖皇帝曰惟

帝肇開鴻業奠安生民濟世之功垂于永世茲予

大統謹用祭

告尚

饗

諭祭文

維永樂十三年歲次乙未六月丙寅朔越初二

日丁丑

皇帝遣禮部主事徐岳諭祭于隆慶左衛指揮僉事
邢原之靈曰惟爾勇智之資本乎天性忠義之
德恒存厥心是能屢立戰功佐君軍衛今當主
適今爾優閑正宜安享釀祭夫何一疾而殞今
特遣人祭以牲醴爾其有知服斯諭祭

維成化元年歲次乙酉十一月乙巳朔越二十

一日丙寅

皇帝遣陝西布政司右參政張用瀚賜祭于右副都
御史王恕母太孺人周氏曰惟爾淑德夙著中

閨歸于名門恪謹婦道篤生令子爲國重臣克
著聲猷實由爾教正宜祿養以享餘齡夫何一
疾遽爾長逝特隆恩典諭祭爾靈冥漠有知尚
其欽服

又

維成化五年歲次己丑十月辛亥朔越二十日
庚午

皇帝遣陝西布政使司右參政龐勝賜祭于贈通議
大夫都察院左副都御史王仲智曰爾善著里
居義彰庭訓遂以子貴榮受褒封正宜優將養

景以享壽福夫何一疾奄忽而逝特厚卹典賜以奠祭爾克有知庶其歛服

維正德三年歲次戊辰七月丁酉朔二十四日巳未

皇帝遣陝西布政使司左布政使夏真昂

諭祭于致仕太子太保吏部尚書王恕曰惟卿稟資剛毅制行端方擢第賢科起家理寺出知大郡撫字稱能晉長名藩旬宣著績歷登都憲三佐卿曹出領戎機威行外服入參留務風動南臺起自家居超登家幸望隆中外福備始終計

首來聞殊切震悼懷賢感舊宣示卹恩特贈宰階復加美謚營葬致祭則有司存鴛靈不忘尚克歆享

維正德三年歲次戊辰九月丙申朔二十三日戊午

皇帝遣陝西布政使司右叅政張勛

諭祭于致仕太子太保吏部尚書王恕曰卿以衣

冠舊德臺首元臣出入

累朝始終一節比聞哀訃寔軫朕懷首七條臨載頒諭祭九原不昧尚克承之

七七文同

重修三原志卷之八

